

## **Sammuyeri pátíri didéri** **Di mpátíri tɔ̀ t̀̀i náànti**

Bè yu de kó dipátíri ke tú Sammuyeri pátíri déri ndi, ke yé ye náànti tùm̀m̀e titòbè m̀be nè diketiri kpeti, ke náá nDafiti do tòm̀e tikpàti. Ò do tùm̀e Sudaà kòbe kóo kpààti. De kó difònkúò kèbaaté Isidayeribe bem̀ou be wuò ntepiítè nè ìdèi.

Sammuyeri pátíri déri dii ti náá nDafiti dokénèm̀e o dootitòbè o cìètè kòbe nè ditowàà kòbe, kè dè bo yie nkòo fíi nho kpàti kédéúkùnne o kpààtiyuu. De kó dipátíri dii ti náá nDafiti do tùm̀e onìti wèè tá Kuyie, wèè do na kèyṹò m̀benitibè yèmm̀e o ìnkè kè bè nhò dó. Dii pátíri ti náá nDafiti do tùm̀e okpààti diewè ke kpeíni. Di me mmúnke í yóu di bo nákémm̀e meyei nhò dòmm̀e.

Kuyie ndo pénsiri Dafiti dèè ìnkè dèè tu ò do bantém̀e o caàrim̀e kém̀o Kuyie mmecíèmm̀e. Kè Isidayeribe bem̀ou pénsiri Dafiti dòò dè nè ò bè dèeténèm̀e be dootitòbè do bè fèũnko dii m̀onni.

Kuyie nné do ò dounnèmu dinùù ke dò o kó kunaàm̀unkù mièke okpààti í yóo pàà o kó difònkúò.

Kuyie ntõnni Odeetiwè Yesu o kó kunaàm̀unkù mièke nke, dèè te metaumm̀e pàmm̀e kó dipátíri mièke kupíkù makù kè bè yu Yesu ke tú: Dafiti kó debire (Matie mukàmm̀u 20:29-34, 21:9).

*Di mpátíri náànti duó ke dõmm̀e*

1. Kétúóté Saudi kũũ nkétuòkenè Dafiti kpàti kó diketiri 1-4

2. Bè pĩrĩmè Dafiti tikpàtì kòo bo mbaké Isidayeri bemou, kéntò kétuàkenè Abusadõmmu yetemè o kpeti 5-14
3. Abusadõmmu yetemè Dafiti kpeti kéntò kétuàke bè kaàmmè Isidayeribe 15-24

### *Dafiti kèèmè Sauri kũũ*

<sup>1</sup> Dafiti do pònte Amadesiibe kékonní Sikidaa ke s̄́ nSauri kumu, kòo b́́t́́e ḱ́emmàke yewe yèdèè. <sup>2</sup> Ditáánni yiè kòo dapàà mmòu tuàkení ke bonní Sauri ããpònkari kòo yààtì k̄́rì kòò pũ nho yuu mutáá, kétuàkení Dafiti borè kénínkú késĩnnóo o ìikè. <sup>3</sup> Kè Dafitii ò beke ke d̀̀: A bonní de? Kòò d̀̀: N cokéni Isidayeribe ããpònkari ndi. <sup>4</sup> Kè Dafiti d̀̀: N náké dè d̀̀nnímè de bíékè. Kòò d̀̀: Isidayeribe kó behããpòmbè cokému kè bè kùò besũkùbè, ke kùònè Sauri nè o bire Sonnatãã. <sup>5</sup> Kè Dafiti d̀̀: A yĩme ke yé Sauri nè o bire Sonnatãã bè kumè? <sup>6</sup> Kè de kóo dapàà nd̀̀: Dè do s̄́ m bo Kidiboa tãrì ndi, kè Saurii ìkú o kpãnni ìnkè kòo dootitabè ò cèète ke deke sikpàrisẽ ì nè sisẽ. <sup>7</sup> Kòo wèète ké n yà, ké n yú kè n d̀̀: Okpààtì, nte mí! <sup>8</sup> Kòo m beke n tú wè, kè nh ò nàké ke d̀̀: N tú Amadesii nwe. <sup>9</sup> Kòò d̀̀ n kòtoo kòò kùò ke yé kuyonku do ò autémè kòo wemmu né kpaá. <sup>10</sup> Kè nní nwúó nhò yĩèkemè ke í yóó foute kékòtoo kòò kùò kétúóté dikpààtìp̀̀ ì nè o neite ke dè nda t̀̀nì f̄́ n yiè.

<sup>11</sup> Kè Dafitii k̄́t́́e o yààtì kòo kòbe múnkèe k̄́rì be kpeti. <sup>12</sup> Kè bè nkuò mmukũũ ndikũnweh̄́nì nè kuyuokoo ke bou dinùù Sauri nè o bire Sonnatãã kpéí nnè Isidayeribe bemou, ti Yiè nKuyie nkó

benitibè bèè ku dikpànni mièke be kpéí. <sup>13</sup> Kè Dafitii beke de kóo dapàà nke dò: A tú we? Kòò dò: N cice tú Amadesii nwe ke konní die ndi nhèi mièke ke m peité. <sup>14</sup> Kè Dafiti dò: Bá a né í yòte a bo kuómè okpààti Kuyie ntāāté wèà?

<sup>15</sup> Kè Dafitii yú o tǎmbè kóò mǎu ke dò: A báá ò yóu, kuò we!

Kòò tǎntii poté Amadesiibe botí kou wenwe kékuò. <sup>16</sup> Kè Dafitii béi nke dò: A kùò amàà ndi ke yé fǎò béimmè nè a nùu ke tú fǎò kùò okpààti ti Yìè nKuyie ntāāté wè.

*Dafiti kuómme Saudi kũũ*

<sup>17</sup> Kè Dafitii dentè Sauri nè o birè Sonnatāā be kũũ nkó feyènfè, <sup>18</sup> kéduó nkè bèe fè benke Sudaà èi kǎbe. Bè fe ntú Mutāmmù kó feyènfè kè fè wǎri Owenniwe\* pátiri mièke. Fèè tu:

<sup>19</sup> Isidayeribe yé dè dōmmè kè di kó sinitidabíi ku ditāri ñnkè?

Ba nte kè bekpàritiebe yeyètè diyè yembè duó sitāā ñnkè?

<sup>20</sup> Di báá yie nkè Kati èi kǎbee keè ti!

Di báá yie nké tì yèè Asikanòò kó ice mièke Fidisitēēbe kó besapàmbè yàà bo tì banté kè diwèiì bè auté.

Itayéi yembè kó besapàmbè yàà bo ntì nyānkunè.

<sup>21</sup> Fetaafè ténke báá dúóté Kidiboa tǎri, di ténke báá mantè depaa ndèè bo di pèri dè ténke báá peité.

\* **1:18** Owenniwe pátiri: Wénté Sosuwe 10:13 nè bè wénkunnè tì deborè.

Bè de nsãũ bekpàrìnuɔmbɛ diɛbè dɔpiti.

22 Sauri kó tidɔpiti nè o siè dè do ɔɔ í ndò nkéwaare mekùò.

Dè do ɔ mpũò nho dootitɔbè yĩ mme nè be kùò nhòrì òrì.

Sonnatãã tãmmù múnkɛ do í mɔkɛ botirɛ bitì bitì.  
Sauri kó disiè do ɔɔ í nkonní ðekperɛ bitì bitì!

23 Sauri nè Sonnatãã bè do naatimu ke dó betɔbè, kéntau be fòmму miɛke nè be kũũ mmiɛkoo, ke tohni ke dò nyicĩrì, kè be kɔmbò ðɛu yeçìrìcìrè kpeye dòmmè.

24 Isidayɛribe kó benitipòbè kammúnè Sauri kpéi, Wèè do di daati tiyaàwũòtì mupààkònkperímù kpɛti ke caati mesɔ nkó tisàtì timɔu botí di yààtì ìnkè.

25 Dè yĩme kè bekpàritieɛ ku mudoò miɛke?  
Ba nte kè Sonnatãã ku ditãrì ìnkè?

26 N tebitɛ Sonnatãã n kèè a kũũ nkè n yèmmè cààrè mmediè mme, m mènke do da dómu.  
N do da dó kè dè pɛ̀témù m bo ndómè onitipòkù.

27 Ba nte kè be kpàritieɛ ku?  
Ba nte kè bekpàritieɛ nentì me nyɛinko dikpáà?

## 2

### *Sudaa kɔbe pĩrmè Dafiti tikpàtì Ebunɔ*

<sup>1</sup> Mɛ̀mme kè Dafitii beé nti Yiè nKuyie nke dò: N dò nkékatɛ Sudaa kɔbe ekè kó ðimaràà? Kè ti Yiè nKuyie ndò: Ɛɛ. Kòò dò: Ɔndi? Kè kù dò: Ebunɔ.

2 Kè Dafitii neinè o pobè bedé Ainɔammu Sisedɛedi èi kou nè Abikayɛedi Nabaadi Kadimɛedi èi kou do po wè ke kú, kòo ò tùóté. 3 Dafiti kɔbe nè be cẽĩ kɔbe kè bè múnkɛe ò neinè kè bèe kɔte kɛmbo Ebunɔɔ èi nè yèè di tɔkénè. 4 Kè Sudaa kɔbe kɔtoo Ebunɔɔ kɛpĩ nDafiti tikpàti kòò còú mmekùò nkòò bo mbè baké.

Kè bèe náké Yabesi Kadasii tenkè kɔbe sòò kũnnémè Sauri. 5 Kòo tɔ nkè bèe bèe náké ke dɔ; Ti Yiè nKuyie ndi dɔò mesàà ndí kũnné mɛè kɛpí nhokpàati Sauri ke benke di ò dómè. 6 Ti Yiè nKuyie ndí yietí mesàà ndi dɔò mè, m mómumu m múnke yóó mè ndi dɔòmu, di mè dɔò mèè botí. 7 Di mmànni yáúkunnɛ di kɔnti, ntúnè yekɔmbò yembè, okpàati Sauri kumu, mí nwe Sudaa naàmùnkù kɔbe còúmmè mekùò ke m pĩ ntikpàti kè m bo mbè baké.

### *Bè p̃r̃mè Isiboseti tikpàti*

8 Diyè mari kè Nɛɛ bire Abunɛɛ Sauri ãp̀òmbè kóo kótii tɔ Sauri bire Isiboseti kékɔtenè Maanaimmu, 9 kóo pĩ ntikpàti kòò bo mbaké Kadaadi nè Aɛɛ nè Sisedɛedi nè Efadaimmu nè Bensamɛ Isidayɛribe tenkè kemɔu. 10 Isiboseti do mɔke yɛbie nsipísìnàà ndi ke di tikpàti, kɛmbaké Isidayɛribe ke dɔ yɛbie nyèdéè. Sudaa kó kunaàmùnkù kɔbe bèe máà do tũ nDafiti. 11 Dafiti do baké Sudaa kɔbe máà ndi ke bo Ebunɔɔ ke dɔ yɛbie nyèyiekè nè betããbè bèkuò.

### *Sudaa kɔbe nè Isidayɛribe bè kɛp̃mè Kabaɔɔ*

12 Nɛɛ bire Abunɛɛ nè Sauri bire Isiboseti ãp̀òmbè bèè ò bàà kè bèe íte Maanaimmu kénwetí Kabaɔɔ. 13 Kè Seduya bire Soabu nè Dafiti ãp̀òmbè bèè ò bàà kè bèe múnkɛe pĩ nkuce kè de kó yetĩrèe máà

Kabaõõ binku kébáté bie ku mpíkù betòbè kutèkù. <sup>14</sup> Kè Abunee náké Soabu ke dò: Yóu kè behããpòmbèe yááké betòbè bèdébè débè ti ìikè. Kè Soabu dò: Dè wenni, bèe kpa.

<sup>15</sup> Kè behããpòmbèe íté kécómmú kè bèe kaa mBensamèe naàmùnkù kou Isiboseti kòbe kè bè mbo tepítè nè bèdébè, kè Dafiti kòbe mbo tepítè nè bèdébè. <sup>16</sup> Kè behããpòmbèe pĩ mbetòbè, bá wè kòo kũũ o népo píkù disìè, kè bèe duó bemou dimònni òimáà mièke kè bèe yú deborè ke dò Kabaõõ (dèè tu Yese kó dikpáà).

<sup>17</sup> Kè mudoò binté de yiè kè Dafiti kó behããpòmbèe na Abunee kòbe. <sup>18</sup> Kè Seduya bí itããti de kóké Soabu nè Abikaii nè Asayeedi. Asayeedi do cãã muceé mmu ke dò ntehontè. <sup>19</sup> Kòo beti Abunee kóò fènné fènfè. <sup>20</sup> Kè Abunee wèète kóò beke ke dò: Asayeedi fí nweà? Kòò dò: Èè, mí nwe. <sup>21</sup> Kè Abunee ò náké ke dò: Wèète a bakù yóu yoo kucànkù kébeti behããpòmbè kóò mòu kéfiete o nenti.

Asayeedi me nyí nyie nke yóu ò bo nhò bètimè. <sup>22</sup> Kè Abunee yí ke dò: Asayeedi bá nni mbeti, báá duó nkè n da kuò bá nè a kóo kóti Soabu ti nuò mbáá máá.

<sup>23</sup> Asayeedi me nyí nyie nke bo ò yóu mubètimù. Mèmmè kè Abunee ò tã dikpänni o pòuti kè òi yèroo o fònkúò kòo do kékú. Bèè kó dimáà keriní kè bè ncommu ò duó dè.

<sup>24</sup> Soabu nè Abikaii kè bè me ntó fènné Abunee fènfè. Kè diyìè nyóó ta kè bè berinè Kibeá Amma Kiyaa donfũò kuce kùu yìèné Kabaõõ kpáà bíékè ku borè. <sup>25</sup> Kè Abunee Bensamèe botí kou ããpòmbè nhò kèrí ditári ìnkè. <sup>26</sup> Kè Abunee yú Soabu ke dò: Ti yó nsáké ke kòumu titòbè nè yeseà? A í yé ke dò ndè bo

ti dentenè meyeinaà? A baa ba? Náké a nìtìbè kè bèe yóu bè bo nkòùmè be tebí. <sup>27</sup> Kè Soabu dà: Kuyie mbomu, kàa do í b́í n kàbe na nsáké ke di betìmu bá wè o tebíte nè nankoo dikũnweñni.

<sup>28</sup> Kè Soabuu eé ditàteheù kòo ããpòmbèe kũnné bè bo mbetìmè Isidayeeribe kè dikpànni deè. <sup>29</sup> Abunee nè o kàbe kè bè nyié nke kéri keyènkè kemou Suditèé kó kubiriku, késénté kukó nképèèté Bitinoo kétuàke Maanaimmu. <sup>30</sup> Soabu yóu ò d̀i m̀d̀nni ò bo mbetìmè Abunee kətíí nho ããpòmbè kémónté Dafiti kó behããpòmbè mieke tepíítè nè bèwei káyíénè Asayeedi. <sup>31</sup> Kè Dafiti kó behããpòmbè me nkùò Bensamee botí kó behããpòmbè nè Abunee kàbe sikòusitàati nè sipísikuò (360). <sup>32</sup> Kè bèe túóté Asayeedi kéntò ke bíí kũnné o cice f̀sti Betideemmu. Soabu nè o kàbe kè bèe sòtè kényié nke kéri kétuàkoo Ebunoo kukũnwentóo kè diyìe yètiní.

### 3

<sup>1</sup> M̀enìme kè dikpànni r̀bo Sauri kàbe nè Dafiti kàbe cuokè kémònte, kè Dafiti nsáké ke kpénkú kè Sauri kàbe c̀tiri.

*Dafiti peítè ù bí Ebunoo i yèè*

*(Wénté 1 Bekpààtìbè t̀mmú 3:1-4)*

<sup>2</sup> Dafiti do pié ibí péu nwe Ebunoo. O kóo po do tú Amunoo o pokù Ainooammu Sisedeedi eì kou peítè wè. <sup>3</sup> Kòo déri ntú Kidiabu Abikayeedi Nabaadi Kadimeedi kou ò peítè wè. Kòo tãánwè ntú Abusadòmmu Tamai Kesuu kpààti kóo sapàà mMaaka ò peítè wè. <sup>4</sup> Kòo naanwè ntú Adonniya Akiti bire. Kòo nummuwè ntú Sefatia Abitadi bire. <sup>5</sup> Kòo kuónwè ntú Itedeammu Ekidaa bire. Dafiti pié ù bí nyi Ebunoo.

### *Abunɛɛ nɛ Iboseti bɛ pɛtɛmɛ*

<sup>6</sup> Sauri kɔbɛ nɛ Dafiti kɔbɛ bɛ kpànni miɛkɛ kɛ Abunɛɛ yɛtìrì mmónké feirí Sauri tìnni miɛkɛ. <sup>7</sup> Sauri do mɔkɛ o pocɛnni mari ndi kɛ di yɛtìrì ntú Disipaa Aya koo sapàà. Diyiè mari kɛ Isibosetii beké Abunɛɛ kɛ dɔ: Dè yĩmɛ kàa duónè n ciccɛ pocɛnni?

<sup>8</sup> Kɛ Abunɛɛ keè dɛ kó tináaṅtì kɛ dɛɛ ò yonkɛ mediè, koo béi nkɛ dɔ: N tú Sudaa kɔbɛ kó tɛmɔtɛ ntaà? M benkemu n dómɛ Sauri cɛtɛtɛ nɛ o tebiù nɛ o népobè kpɛsi kɛ bɛ taunè nɛ yienni kɛ da kánkɛ bá a í do Dafiti nau miɛkɛ, kàa né dɔ kɛ n kpànnè yíe, we nnitipòkù kpéínáà? <sup>9</sup> Kuyie nní ndòò kù dómɛ kɛ nsà kɛ n yí dɔò Dafiti Kuyie nyɛ nkù yóó ò dɔò dè. <sup>10</sup> Kù béimmu kɛ tú kù bo fietɛ tikpàtì Sauri borè kɛ tì duó nDafiti, kòo mbaké Isidayɛeribɛ bɛmɔu nɛ Sudaa kɔbɛ bɛ tenkè duó kɛ mamè. Danni tenkè kɛntɔ kɛtuɔkɛ Bɛerisebaa.

<sup>11</sup> Isiboseti í ndàátì kɛ tɛ́nné Abunɛɛ tìmatì ò wè dé mɛè kpéí.

### *Abunɛɛ taunnɛmɛ Dafiti*

<sup>12</sup> Mɛmɛmɛ kɛ Abunɛɛ tɔ nkɛ bɛɛ náké Dafiti kɛ dɔ: Ti yɛmu fɔ̀̀ temè diheì, yóu mí nnè fɔ̀̀ nkɛ tì tau nkɛ n da teennè kɛyũṅnni Isidayɛeribɛ bɛmɔu a borè. <sup>13</sup> Kɛ Dafiti dɔ: N yiemmu kɛ tì bo tau, n né da békú tìmatì maa ndi, kàa kòriní a nneínni m pokù Mikaadi Sauri koo sapàà. Kàa í neínni wenwe a báa kɔtení. <sup>14</sup> Dɛ kó difɔ̀nkúò kɛ Dafitii tɔ nkɛ bɛɛ náké Isiboseti kɛ dɔ: Dafiti tu a tɛ́nnɔ̀ o pokù Mikaadi ò do yietí Fidisitɛ̀̀bɛ kó itayéí tekòutè (100) kɛpuokɛ wè. <sup>15</sup> Kɛ Isibosetii tɔ nkɛ bɛɛ túóténí Mikaadi ò dɔ̀̀ Paditiyedi Daiisi birɛ borè. <sup>16</sup> Kɛ Paditiyedi nhò tũ nkɛ kɔnti kɛtuɔkɛnɛ Baudimmu. Dɛndɛ Abunɛɛ ò náké mɛ kɛ dɔ̀̀ wè wɛtɛ. Kòo wɛtɛ.

17 Kè Abunee tí nyIsidayeeribe kó bekótibè ké bè beke ke dò: Dè m̀ante di dómè Dafiti bo naámmè di kóo kpààti yáa ba? 18 De m̀nni dii t̀ake ti Yiè nkuyie ndo béimmu ke tú nè Dafiti borè nde kù yóó deetémè ku nìtibè Isidayeeribe Fidisitèèbe nou mieke, nè be bedootitabè bemou.

19 Ke múkkee nákenè Bensamee botí k̀be kédeè k̀nk̀ri Eburno ke bo náké Dafiti ò t̀ntemè tináantì Bensamee botí k̀be nè Isidayeeribe s̀mbe borè. 20 Kòo tuokoo Dafiti borè ke neinè benitibè sipísidè k̀ Dafitii be d̀ò kup̀òk̀. 21 Kè Abunee náké Dafiti ke d̀ò: Okpàati n yóó k̀mmu k̀tíi nyIsidayeeribe bemou a borè, k̀ dí taunnè ditabè. De m̀nni k̀a mbè baké a d̀ m̀è botí.

Mèmme Dafiti caummè Abunee k̀o k̀ nnè diwèi.

### *Soabu k̀omè Abunee*

22 O k̀ mèmme Dafiti ã̀p̀mbè nè Soabu k̀ bè nkũntiní mudoò ke éi tinentì péu k̀nsó nhAbunee ité, ke yé Dafiti do ò yóumu k̀o ité nè diwèi. 23 Soabu t̀kení dii m̀nni nè dihã̀p̀nt̀nni k̀ bèè ò náké ke d̀ò: Nee bire Abunee k̀tení die nhokpàati borè, k̀o kpàati ò yóu k̀ò k̀nnè diwèi. 24 Kè Soabuu ta okpàati borè k̀ò beke ke d̀ò: A d̀ò ba mbotí nku! Abunee weè k̀tení a borè k̀a ò yóu k̀ò k̀nnàà? 25 A yému Nee bire Abunee mesàà, ò k̀tení ke bo da soutému, ò d̀ ké da paatému.

26 Soabu yènni dii m̀nni okpàati borè kéduó nkè bèè t̀nne Abunee, bá okpàati í yé. Kè bèè ò nìnte Siida k̀ t̀binte borè, k̀ò ẁtenní. 27 Abunee t̀kení dii m̀nni Eburno k̀ Soabuu ò yu k̀tannè dihei k̀o dibòri bedé borè k̀ndò nhò d̀ k̀ò náké

tìmatì disòrì, ò de nhò kũũ disiè o pòutì kékua, képeite ò do kùòmè o nantè Asayeedi.

<sup>28</sup> Dafiti kèè dìi mǎnnì Abunee kũũ nkékuónko ke dò: Ti Yiè nKuyie nyému ke dò mmí nnè n nìtìbè tĩ í te kè bè kùò Nee biré Abunee. <sup>29</sup> Wèe kǎnkiri Soabu nè o cǐtètè, o cǐtètè miéke bè bo mmuákú yefòtè nè tikòntì, kè becǐrìbè mbo kè betòbè nkǎ ndikpànnì miéke, kè dikònnì mbo o cǐtètè.

<sup>30</sup> Memème Soabu nè o nantè Abikaii bè kùòmè Abunee ò do kùò mèè kpéí mbe nantè Asayeedi dikpànnì dìi do ãnné Kabaǎ di miéke.

<sup>31</sup> Kòo kpààtì Dafitii náké Soabu nè bèè ò neínè ke dò: Kèrínè di yààtì kédáátì tifòtòntì kè tí kouté Abunee.

Dafiti o mómmuò nkòo ntũ nho deenkù fǎnkùò. <sup>32</sup> Kè bèe kũnné Abunee Ebuòò, kòo kpààtì Dafitii kuó nho fòtì ìnkè kè ditǐnnì dimòu múnkèe kuó. <sup>33</sup> De kó difǎnkùò kòo kpààtì kuó ndikúdabònnì dìi nhAbunee kpéí nke dò:

Abunee a do í dò nkékú onitisǐntíwè kǎme.

<sup>34</sup> Bè do í bou a nou,

a naàcèi do í táú mǎfǐmme.

Kè be né da kùò bè kòu mèè botí benitiyeibe.

Bèè kó dimàà dè bo kè bèe yíé kékuó. <sup>35</sup> Kè bèe tóónnì okpààtì Dafiti borè ke bo o duó mmudii kòo parìkè ke dò: Kè n di bá sámǎpó kè diyie kpaá feí Kuyie nni ndòò kù dómè.

<sup>36</sup> Kè benitìbè bemòuu ti kèè ké tì pénsìrì. Bè do ã ã pénsìrìmu ò dòòrì tìi kó dimàà. <sup>37</sup> Kè Sudaa kòbe bemòu nè Isidayeribe bemòu kè bèe banté de yie Dafiti weè ì duómme dinùù kè bè kùò Nee biré

Abunee. <sup>38</sup> Kè Dafitii náké o tũmbè ke dò: Yíe ndi nyé ke dò nhoniti diewè iwěĩ yìe nwèe ku yíe nyIsidayeribe cuokè. <sup>39</sup> Bá mí nnè n kó tikpàti m mu nyí pèté de kó muwérímú mùù bo dònè benitibè biè mmè ndò dè Seduya kó ibí, ti Yìe nKuyie nkuù bo ì yietí meyi nyì dò mè.

## 4

### *Bè kùmè Isiboseti*

<sup>1</sup> Kè Isiboseti Sauri birèe keè Abunee kumè kè dèe ò kpei kè Isidayeribe bemou kòm̀b̀ù̀t̀ti do.

<sup>2</sup> Ke ś nwee Isiboseti màke benitibè bédébè bèè baké yehãp̀nt̀rè. Kòò m̀ou yèt̀r̀i tu Baana kòò t̀ou kperi tú Dekabu Dim̀o Bed̀ti eì kou, Bensamèe botí kou bí d̀o nyi. <sup>3</sup> Be yembè do de ncoké kékò nKitaimmu, kè be yaàbí kraá ke dè bo nè yíenní. <sup>4</sup> Ke ś nSonnatã Sauri birèe terè ku ke yóu debire marè kè de yèt̀r̀i tu Mefiboseti kè dè tu kuhòkù. Dè do màke yebie nyè̀ǹum̀m̀ù ndi bè bè nàké dii m̀oǹni Sauri nè Sonnatã kũũ nSisededi kè de yuàri ncooti ke dó mecã nkè dèe fité kédò kénáá nkuhòkù.

<sup>5</sup> Dim̀o Bed̀ti eì kou kó ibí Dekabu nè Baana kè bèe kote Isiboseti c̀f̀èt̀è kèntuòkoo kuyie ncuokè ke ś nhò duó ke om̀pu. <sup>6-7</sup> Kè bèe ta o c̀f̀èt̀è kéndò mbè ò t̀o tidiiti ke ś Isiboseti duó kè bèe ò poté o p̀outi kòò kũ kèdeè kéféuté o yuu kécoké kényènnè kényiè nke kéri Suditè biriku kó kuce, <sup>8</sup> kèt̀uòke Ebunò kédúo nhokpàti Dafiti Isiboseti yuu ke d̀o: Okpàti nte a dootit̀ou Sauri wèe do dó a kũũ nho birè Isiboseti yuu. Ti Yìe nKuyie mpè̀t̀emu yíe nha pèi Sauri ìnkè nè o yaàbí. <sup>9</sup> Kè Dafitii bè t̀ènné ke d̀o:



*Dafiti tiekɛmè Sedisadɛmmu*

*(Wénté 1 Bekpààtibè tōmmú 11:4-9. 14:1-2)*

<sup>6</sup> Sebusiibe bɛɛ do ā Sedisadɛmmu kɛ Dafiti nè o kɔbe kɛ bɛɛ báátí ke bo bè pɔntɛ kɛ bɛɛ ò nàkɛ ke dò: Tiyũ̀̀ntì nè yekpĩ̀̀è ndɛɛ yóó da baao.

Nè de kó tináà̀ntì miɛke bè do dó ke dò Dafiti í tatimu be èi. <sup>7</sup> Nè memme kɛ Dafiti ncíéké kéfietɛ diheì kperì Siyõõ kɛ dè mboní kɛ bɛɛ dì yú ke dò Dafiti èi.

<sup>8</sup> De yiè ndi Dafiti béimmè ke dò: Kè wèè dó kékpannè Sebusiibe wèè tõõ ndikondaɛ kɛ bè tũ̀̀àke. De kó yekpĩ̀̀è nnè tiyũ̀̀ntì n yí dè dó fɛnɔ̀̀nfè. Dɛɛ te kɛ bè do õ nnáá nke tú yekpĩ̀̀è nè tiyũ̀̀ntì bè í taà Kuyie ncíè̀̀tè.

<sup>9</sup> Kè Dafitii kari diheì kperì kɛ dì yu ke dò: Dafiti èi kperì. Ke yíé kɛmaá iduotí kékɛtɛ bè do Ìtinné kùù tādè̀̀kù borè kɛtannɛ̀̀nko de miɛke.

<sup>10</sup> Kè ti Yiè nKuyie Mpakɛdaa mbonè Dafiti kòo yètìrì feirí.

<sup>11</sup> Kè Idammu Tiiri kóo kpà̀̀tìi tōnnè benìtìbè tidabɛ̀̀kpeti Dafiti borè kóò duónnè bɛdabɛ̀̀sũ̀̀òbè nè bɛtácíè̀̀bè kɛ bè bo ò maá tekpà̀̀tìcíè̀̀tè. <sup>12</sup> Kè Dafitii banté ke dò nti Yiè nKuyie kuù ò duó ntikpà̀̀tì, kɛ kuù tì déú̀̀kunnɛ ku nìtìbè Isidayɛribe kpéi.

*Dafiti peitè ù bí Sedisadɛmmu i yètè*

*(Wénté 1 Bekpààtibè tōmmú 3:5-9. 14:3-7)*

<sup>13</sup> Kè Dafitii íté Ebunɔ̀̀o kékò nSedisadɛmmu kétúóké benitipòbè tɔ̀̀bè nè yepocíè̀̀ nkè bɛɛ ò pié

---

**5:8** +Dè benkú ke dò ndɛ kó benìtìbè do tú Dafiti dootitɔ̀̀bè mbe, deɛ te kɛ Dafiti bè dōnnɛ̀̀nè ikuó niùbè pátìri náa mbèè kōme. (Ikuó niùbè pátìri 21:17-23).

initidabí nè initipobí. <sup>14</sup> Nte ibí ò pié ì Sedisademmu i yètè: Sammua nè Sobabu nè Natāā nè Sodomōo, <sup>15</sup> nè Ibadì nè Edisua nè Nefeki nè Yafiya, <sup>16</sup> nè Edisamaa nè Ediada nè Edifedee.

*Dafiti namè Fidisitēēbe*

*(Wénté 1 Bekpààtibè tōmmú 14:8-16)*

<sup>17</sup> Kè Fidisitēēbe keè Isidayeribe còúmmè mekùò nDafiti koò pī ntikpàti kòo bo mbè baké kè Fidisitēēbe bemou íté ke bo o pì, kè Dafitii tì kèè kéta kutādènkù kēsori. <sup>18</sup> Kè Fidisitēēbe tuokoo kèpité Defaiibe biriku miēke. <sup>19</sup> Kè Dafitii beé nti Yiè nKuyie nke dò: Kuyie n dò nkékote kékpannè Fidisitēēbaa? A bo bè ànné n nou miēkaà? Kè ti Yiè nKuyie ndò: Kote n yóó bè ànnému a nou miēke.

<sup>20</sup> Kè Dafitii kote Baadi-Pedasimmu kēna Fidisitēēbe kébéi nke dò: Ti Yiè nKuyie nkpēté n dootitabè menie nhōō kpété mēè botí kukpéroo.

Dèè te kè bè yu de kó dibòrì ke tú Bekpētíbè yiè. <sup>21</sup> Kè Fidisitēēbe coké kényóu be bokè, Dafiti nè o kobe kè bèe yè tùóté.

<sup>22</sup> Kè Fidisitēēbe wēte kébáátí kuce medérímè ke bo dokénè Isidayeribe, ke tó báté Defaiibe biriku kèpité. <sup>23</sup> Kè Dafiti tó beé nti Yiè nKuyie nke kù dò: A báá bè wetínné, tūnne be fōnkúò a bo bè nìnte detedierè túúkù borè. <sup>24</sup> Kàa kèè dìi mōnnì kunampoo detie nyómmè á tonkūnne amáà mīl tūòkoo ke bo poté Fidisitēēbe āāpōmbè.

<sup>25</sup> Kè Dafitii dōò ti Yiè nKuyie nhò nàké tì kèpoté Fidisitēēbe ké bè bèti Kebaa kētuokenè Kesee borè.



*Kuyie ntaummè tou tùðkemè Sedisadɛmmu  
(Wénté 1 Bɛkpààtibè tōmmú 15:25-16:3)*

<sup>12</sup> Kè bèe náké Dafiti ke dò ti Yiè nKuyie ndòò Obɛdi-Edɔmmu mesàà nkòo kperɛ deməu kèrí séi, Kuyie ntaummè tou bo mɛ̀ kpréi nho cɛ̀tɛ̀, kè Dafitii kɔtɛ Obɛdi-Edɔmmu ciɛ kè bè bo di tùótɛ̀ kékonnènní o ciɛ kè bè ndi tɔ̀ kè dè dò ndibanni mediè. <sup>13</sup> Bèè tɔ̀ ti Yiè nKuyie ntaummè tou kè bè dò yɛnacènà yèkuò kè Dafitii féútɛ̀ dinaadapànni nè dipedaà dèè ã mɛ̀kùò, <sup>14</sup> kédeè kénhau nè o wɛ̀rímú muməu ke déúkùnkò ti Yiè nKuyie nyètiri ke dáátí ikuó yaàbòrì. <sup>15</sup> Kè bè ntɔ̀nì ti Yiè nKuyie ntaummè tou ke íútí nè diwèi ke eu sihéú ke kũntiní Sedisadɛmmu.

<sup>16</sup> Ti Yiè nKuyie ntaummè tou tùðkení dii mɔ̀nni Dafiti cɛ̀tɛ̀, kè Sauri kóo sapàà mMikaadi síékéní tɛ̀bòtɛ̀ kɛ̀yà Dafiti aumè ti Yiè nKuyie ntaummè tou ìkè, kòò sɛ̀nkèrì. <sup>17</sup> Kè bèe tanné ti Yiè nKuyie ntaummè tou ditou Dafiti do di maá di, kèínné de cuokè di do dò nkényĩkú dè, kèfíé iwũ̀s ti Yiè nKuyie nkétuò kèfíé itei metaummè kprɛyi. <sup>18</sup> Ò fié dii mɔ̀nni iwũ̀s kédeè nkéyú ti Yiè nKuyie Mpakɛdaa Isidayɛribɛ̀ bàá nkú yètiri kè bè pã mesàà, <sup>19</sup> kédeè kètótí Isidayɛribɛ̀ bɛməu tidiiti bɛnitidaabè nè bɛnitipòbè, kédúó mbá wè pɛ̀ɛ̀ nè dikàtindàà bè dònè di ditebii bè tu di dátí nè diteri bè dònè di fɛ̀nyĩ kó yɛbɛ kperɛ̀. De kó difɔ̀nkúò bá wè kòò kò nho cɛ̀tɛ̀.

<sup>20</sup> Mɛ̀mɛ Dafiti tamè o cɛ̀tɛ̀ ke bo dɔ̀u nho kɔbɛ, kè Mikaadii yènni kòò co ke dò: Isidayɛribɛ̀ kpààti waá nhomáà disānni yíe nke fei nho kɔ̀nti tidaati bɛnitidaabè nè bɛnitipòbè ìkè, denitisiɛ̀ntɛ̀kperɛ̀ tɛ̀mè.

21 Kè Dafiti dò: N dòò memme ke déúkunko ti Yiè nKuyie nyètìrì ndi, kunku kùù yóu a cice nè a cǐtètè temou ke n tǎāté kè n tú Isidayeribe kpààtì, n yóó ðake benkemu n wèi ku ìikè. 22 N yóó yíé ke ðake kékunnemu m máà ku ìikè, kécè m máà, memme betǎmbè a náà mbèe kpéí né yó n déúkunemè.

23 Sauri kóo sapàà mMikaadi í mpeité ke yàa kúnè.

## 7

### *Kuyie mpāānāāntì náāntò Natāā nàkè tí Dafiti (Wénté 1 Bekpààtibè tōmmú 17:1-15)*

1 Kè Dafiti mbo o cǐtètè kè ti Yiè nKuyie nkei nho dootitǎbè bèè ò fité kòò òmpùnne. 2 Diyiè mari kòo náké Kuyie mpāānāāntì náāntò Natāā ke dò: Mí nh ã təcǐtètè idéi kperí kpete kè Kuyie ntaummè tǎu né bo ðitou ðii ðòòné tiyààtì di miéke. A yèmmè ðòmmè? 3 Kè Natāā ò náké ke dò: Okpààtì kàa yèmmè ðòmmè, ðòò me, ti Yiè nKuyie nda bonèmu.

4 De kó keyènkè kè ti Yiè nKuyie nnáké Natāā ke dò: 5 Kǎte kénáké n kóo tǎntì Dafiti ke dò weè í yó m máà təcǐtètè n yó mbo tètè miéke. 6 M mu nyí buoté təcǐtètè matè miéke nè n ðènne ðii yiè Isidayeribe Esibiti miéke nè yíenní, n do bè neínè ke bo kutouku miéke nke. 7 Nè m bonè ðii daà Isidayeribe be cèmmu miéke m bá mbèke onìtì mǎu ke tú wè m máà təcǐtètè nè idéi kperí.

8 Á náké n kóo tǎntì Dafiti ke dò: Mí ndi Yiè nKuyie Mpakedaa mú tu ò do cèmmù ípe nyi kè nh ò tǎāté kòò náà nyIsidayeribe kóo kpààtì. 9 Kè nni nhò bonè ò kòrì yèè borè, kékuo o dootitǎbè bemou, ke déúkunne o yètìrì kè ði mààtenè kutenkù kó benitidièbè kpeye. 10 N yóó duómmu n nìtibè

Isidayɛribe dikarì bè yó mborè ke í yĩ̀kù tìmatì. Kubotí yeiku tekù makù kɔbe ténke báa na ké mbè fěũnko bè do bè fěũnko mèè botí, <sup>11</sup> nh ānné dii m̀nni bebaatíbè kè bè nni n nìtibè Isidayɛribe. Di mm̀nni n fũũmmu a dootitɔbè ke da omp̀unne, n né da náámmu ke tú mí ndi Yiè nKuyie m bo da duó nteçĩètè. <sup>12</sup> Kàa yiè tù̀ke dii m̀nni kàa kò nha yembè kũũ nkè m bo tããtè a bí a peitè ì mieke òm̀òu kéfíi nho kpàti. <sup>13</sup> Weè yó m maá teçĩètè, mí mm̀ómmu nkè n fií nho kpàti teii, kè tì mbo yem̀òrè yem̀òu. <sup>14</sup> M bo ntú o cice kòò tu m bire, kòò d̀òò dèè í wenni nh ò poté onìti ò̀̀ poté mèè botí o bire. <sup>15</sup> N né í yóó deite n kó mesàà nho ìnkè kénd̀onnè m mè dèitemè Sauri ìnkè, nh ò yóu dii m̀nni ke da tù̀óté. <sup>16</sup> Tikpàti yó mbomu a çĩètè sãã kàa yaàbí ntì sòké.

<sup>17</sup> Kè Natãã kɔte kénáké Dafiti Kuyie nhò nàké tì nè kù ò benke tì tim̀òu.

### *Dafiti bàámmè Kuyie*

#### *(Wénté 1 Bekpààtibè t̃mmú 17:16-27)*

<sup>18</sup> Kè Dafitii kɔte ti Yiè nKuyie ntaummè tou ké kù bántè ke d̀ò: N Yiè nKuyie, n tú we! N çĩètè tu ònte kàa n d̀òò mesàà nha mè nni d̀òò mè. <sup>19</sup> Bá dè né mu nyí da sànnè kàa sòké ke náá ndè yó mboní kàa d̀òò dè mí nha kóo t̃nti n çĩètè ke tì nni nnáá mmí nhonìti. <sup>20</sup> Ti Yiè nKuyie, m bo yíe ke d̀ò ba ténke, a n yém̀emu mí nha kóo t̃nti. <sup>21</sup> A n d́ómu deè te kàa n nàké dè yó mboní kàa n d̀òò tì ke tì nni mbenke mí nha kóo t̃nti. <sup>22</sup> Ti Yiè nKuyie nha deumu òm̀òu í da m̀annè, ti kèèmu nè ti to bè nàámmè ke tú, kè dè í tú f̃ nhò̀m̀òu í da d̀onnè. <sup>23</sup> Kubotí makù me nyí bo kùu d̀onnè Isidayɛribe, a k̀tení ke deetè bè

Esibiti kɔbe nɔu miɛke nɛ be kó yɛbɔkè, ke bè dɔ̀̀ a bí, ke fei mbe yètìrì, ke pĩ mmutɔ̀mmú diemù a bè duó ndìì èì miɛke, ke mù duò tikɔ̀mbùàtì. <sup>24</sup> Kàa tããtè Isidayɛribe kè bè bo ntú a kɔbe sãã kàa bè te. <sup>25</sup> Ti Yiè nKuyie nha béi ntù kó dimàà mí nha kóo tɔ̀ntì n kpéi nnè n cĩètè kpéi, m pĩ nti kédɔ̀ kéndònnè a béimmè. <sup>26</sup> A sãnni ndɛu sãã kè benitibè ntú ti Yiè nKuyie Mpakɛdaa Isidayɛribe bàá nkù kuù tu Kuyie. Mí nha kóo tɔ̀ntì kè n cĩètè mbo sãã. <sup>27</sup> Fɔ̀ nKuyie Mpakɛdaa Isidayɛribe bàá nkù, fɔ̀ béi nnè a nùu ke tú a bo n duó nyibí kè ìi sɔ̀tè n kpàtì, dɛè te kè n dàátí ke da béinnè miɛ mbotí mí nha kóo tɔ̀ntì. <sup>28</sup> Á tú Kuyie nku, kàa béi nti tii dɔ̀, fɔ̀ béi nke tú a bo n dɔ̀ mɛsàà. <sup>29</sup> A dɔ̀ n cĩètè mɛsàà, kè n yaábí ii ntú bekpààtibè sãã, ti Yiè nKuyie nkéndònnè a béimmè a kó mɛsàà nni mbonè n cĩètè sãã.

## 8

### *Dafiti namè ibotí tɛi*

#### *(Wénté 1 Bekpààtibè tɔ̀mmú 18:1-13)*

<sup>1</sup> Kè Dafitii na Fidisitɛ̀ɛbe kè bèè ò̀ b̀̀úté, ke tɛ̀nke í mmɔ̀ke muwɛ́rímú mamù de kó kutempɛ̀ mmieke. <sup>2</sup> Ke múnkɛɛ na Moabiibe, ké mbè tãũnko ketenkè, ke níi benné kuhɔ̀ mɛ̀démè kékɔ̀ kébennè mɛ̀máà kɛ̀fĩ, nkè Moabiibe naá nDafiti kó betɔ̀mbè ké nhò yietì dàmpò̀. <sup>3</sup> Kòo yíé kɛ̀na Adadesɛ̀ Deɔ̀bu bire Tisoba kpààtì ke s̀̀ nhò d́ kɛ̀cɔ̀uté Efadati kó kutempɛ̀. <sup>4</sup> Kè Dafitii pĩ mbesàndèèbè tekɔ̀upítè nè sikɔ̀usiyeikè (1700) kɛ̀pĩ mbehã̀pò̀mbè sikɔ̀upípidé (20000) kékéké sikipàrisɛ̀ s̀̀i d̀̀rì sinaasɛ̀ si duɔ̀ti, késúó nhòmáà sikipàrisɛ̀ nè de kó sinaasɛ̀ tekò̀tè (100). <sup>5</sup> Kè

Sidii kabe bèè bo Damaasi kè bèè íténi kètee nhAdadesee Tisoba kóo kpààti kabe, kè Dafitii kuɔ Sidii kabe sikɔupíísìdé nè sikɔupíísìdé (22000),<sup>6</sup> kètieke Sidii kó ketenkè kékanne kùmàndáábè Damaasi èi kè Sidii kabe nhò yietì dàmpòò. Kè ti Yiè nKuyie nhò duó mmuwērímú kòo nnò nho dootitábè ò kàri kèè bíékè mudoò.<sup>7</sup> Kè Dafitii fietè Adadesee āāpòmbè sɔɔdɔpíiti kékònnè Sedisademma,<sup>8</sup> kétúóté disɔɔwũ ð mediè ndiì do bo Betaa nè Bedotai Adadesee kó yehékè mièke.

<sup>9</sup> Kè Amati èi kóo kpààti Touu keè Dafiti namè Adadesee āāpòmbè<sup>10</sup> kètōnní o bire Yodammu kòò bo dɔu nDafiti kòò sãnte ò kàtemè mudoò ke na Adadesee. Tou dootitɔ̀ù múnke do tú weè Adadesee. Kè Yodammu nkéri ke tɔ disɔɔwũ ð nè mesɔ nnè timátì péfíti bè dððrinè tì idííí de kó tinenti kédúú nDafiti.<sup>11-12</sup> Kòo dè duó nti Yiè nKuyie nhò do duó mmèè botí deketirè ò do na Sidii kabe nè Mɔabiibe nè Amɔniibe nè Fidisitèèbe kéheí dè, ke né yíénè ò do na Adadesee kééí dè.<sup>13</sup> Mémème Dafiti yètìri deukemè.

Ò na diì mònni Sidii kabe kékonní kénamu Edomiibe kubiriku bè tu kù Kukókébiriku ku mièke kabe kékuɔ benitìbè tekɔupííítè nè sikɔupíísini (18000),<sup>14</sup> kètieke Edammu kékanne kùmàndáábè kè ti Yiè nKuyie nhò duó mmuwērímú, kòò kàte kùù píkù weè na.

### *Dafiti kó betāmbè*

#### *(Wénté 1 Bekpààtibè tōmmú 18:14-17)*

<sup>15</sup> Kè Dafiti mbaké Isidayeeribe bemɔu, kémbekùnè benitìbè bemɔu kè dè wenni.<sup>16</sup> Kè Soabu Seduya bire mbaké behāāpòmbè kè Aidudi bire Yosafati ntú wèè tɔ diheí kó yepáte.<sup>17</sup> Kè Aitubu bire Sadaki nè Abiataa bire Aimmedeki kè

bè ntú ikuó niùbè. Kè Seduyaa tu opátíwãàtì. <sup>18</sup> Kè Yoyada bire Bennaya mbaké Kedetiibe nè Pedesiibe bèè bàa tekpàaticĭètè. Kè Dafiti bí nhò tũnko.

## 9

### *Dafiti còutémè Mefiboseti o cĭètè mièke*

<sup>1</sup> Diyie mari kè Dafitii beke ke dò: Òmòu í kpaá fòu Sauri naàmùnkù mièke kè nh ò dòò mesàà nnè Sonnatãã kpéínáà?

<sup>2</sup> Ke sù nSauri màke otǎnti mǎu kòo yètìrì tu Sibaa kòo kǎtení Dafiti borè kòo ò beke ke dò: Fǎ nwe Sibaa? Kòò dǎ: Èĕ, mínwe a kóo tǎntì. <sup>3</sup> Kòo kpààtì Dafiti dǎ: Sauri naàmùnkù mièke òmòu í kpaá fòu kè nh ò dòò mesàà nKuyie nkpéínáà? Kòo tǎnti dǎ: Sonnatãã bire kpaámu ke tu kuhùkù. <sup>4</sup> Kòo kpààtì dǎ: Ò borè? Kòo tǎnti dǎ: Ò bo Doo-Dabaa nwe Makiiri Amiyedi bire cĭètè.

<sup>5</sup> Kè Dafitii tǎ nhòmòu kè bèe kǎte Makiiri cĭètè kétóní Mefiboseti. <sup>6</sup> Sauri kóo dapàà Sonnatãã bire, ò tùòkení dìi mǎnni okpààtì Dafiti borè kénínkú késĭnnóo o ìikè kòo ò beke ke dò: Fǎ tu Mefibosetaa? Kòò dǎ: Èĕ, mínwe a kóo tǎntì. <sup>7</sup> Kòo kpààtì Dafiti dǎ: A bá nyĭèkù n yóó da dǎòmu mesàà nha cice Sonnatãã kpéí, n yóó da ténǎmu a yààkù Sauri tenkè kemǎu kàa nyo m borè yewe yemǎu.

<sup>8</sup> Kè Mefibosetii nínkú késĭnnóo ke dò: Okpààtì, dè dòmmè kàa dàke n kpéí mmí ndemǎcírè?

<sup>9</sup> Kòo kpààtì duó nkè bèe yúní Sibaa Sauri kóo tǎnti kòo ò nàké ke dò: Sauri kperè demǎu nè o cĭètè kǎbe kperè, n dè duó nho yaàbire Mefiboseti nwe.

<sup>10</sup> Fí nnè a bí dî yó nhò kuuti, ke touní ò bo nyo mmù. Mefiboseti yó nyo m borè nde sãã.

Sibaa do mæke initidabí tepíítè nè ìnùmmù ndi, betōmbè sipísidé. <sup>11</sup> Kòo nàké okpààti Dafiti ke dò: N yóó dāōmu a n nàké tìi kó dimàà. Mēmme kè Mefiboseti nyo nhokpààti Dafiti borè ke dōnnè o bí.

<sup>12</sup> Mefiboseti do mæke dedapùmbire dēmàà ndi kè de yètìrì tu Mikaa, kè Sibaa cīètè kəbe bəmou tu Mefiboseti kó betōmbè. <sup>13</sup> Kè Mefiboseti mbo Sedisadēmmu kénkōrì ke yo nhokpààti Dafiti borè. Ò do tú kuhàùkù nku.

## 10

### *Amōniibe feikunnemè Dafiti tūmbè (Wénté 1 Bekpààtibè tōmmú 19:1-5)*

<sup>1</sup> Kè dè mmæke yewe mayè kè Amōniibe kóo kpààti kú, kòo bire Anunnii cōuté tikpàti. <sup>2</sup> Kè Dafiti dò: M bo dāò Naasi bire Anunni mesàà nho cice do me nni ndòò mè. Mēmme kè Dafitii tō nho tūmbè kè bè bo dāu nhAnunni nè o cice kó mukūŭ. O tūmbè tū̀koo dii mōnni Amōniibe cie, <sup>3</sup> kè Amōniibe kpààti tūmbè ò nàké ke dò: A yèmmè dō nDafiti tōnni o tūmbè kè bè bo da dāu nha cice kūŭ mää ndi yáa ba? Ò bè tōnni kè bè bo paaté dihei ndi kēwētení ké di pònte.

<sup>4</sup> De mōnni kè Anunnii duó nkè bēe bè pī, kékuó bè deēmbi dikée, kékéké be yaàbòrè kébennénè be fī, kédeè kòo bè bèti. <sup>5</sup> Kè bēe nàké okpààti Dafiti, kòo tō mbenitibè kè bēe bè co ke yé ifei do bè kùòmè. Kè Dafitii bè nàké ke dā, bè nkpaá Sedikoo kè be deēmbi yènni kè bè né na kékonní.

*Isidayeribe kpannèmè Amoniibe nè Sidii kabe  
(Wénté 1 Bekpàatibè tōmmú 19:6-19)*

<sup>6</sup> Kè Amoniibe banté bè wěntémè Dafiti kényieti Sidii kó behāpòmbè Beti-Deabu nè Tisoba kabe sikaurípísidé (20000), okpàati Maaka kabe tekauríítè (1000), Tobu kabe tekauríítè nè sikaurísidé (12000). <sup>7</sup> Dafiti tì kèè dìi mōnni kětō nSoabu nè behāpòmbè bèè yē dikpànni weti weti. <sup>8</sup> Kè Amoniibe yíé kérénné be kó kudookati dihei kó dibòri borè, kè Sidii kabe nè Tisoba kabe nè Beti-Deabu kabe nè Tobu kabe nè Maaka kabe kè bembè mbo kupíkù tekù dikpàa mieke. <sup>9</sup> Kè Soabuu yà ò dōmmè kébootè o dootitabè tipítì tidéti nti, bie nho fānkúò betabè o ìikè. Kòo tãātè behāpòmbè sààbè Isidayeribe cuokè kè bèè wetínné Sidii kabe. <sup>10</sup> Kòo túótè behāpòmbè sōmbè kéduó nho nantè Abikaii, kè bèè wetínné Amoniibe. <sup>11</sup> Kòo ò nàké ke dō: Kàa sō nkè Sidii kabe dō ké n na a kōtení ké n teennè, kè Amoniibe bèè me ndó ke da na n kōtoo ké da teennè. <sup>12</sup> Yáúkūnne a kōntì, kè tí kpannè dikōmbùò kédéetè ti nìtibè nè Kuyie nti báá nku eì. Kuyie ndòò kù dómè.

<sup>13</sup> Soabu nè o āpòmbè kè bèè kété ke bo dokénè Sidii kabe kè bèè coké. <sup>14</sup> Amoniibe yà dìi mōnni Sidii kabe cokémè ke múnkèe coké Abikaii kékò mbe eì. Kè Soabuu yóu Amoniibe mubètìmù kékò nSedisadēmmu.

<sup>15</sup> Kè Sidii kabee yà Isidayeribe bè namè ke tíi mbehāpòmbè bēmou. <sup>16</sup> Kè Adadesèe tō nkè bèè nàké Sidii kabe bèè bo kukó nhEfadati yàà, kè bèè tuakení Edammu, kè Sobaki wèè baké Adadesèe āpòmbè kòò bè ni. <sup>17</sup> Kè Dafitii tì

kèè kətíí nyIsidayeribe āāpòmbè késénté Suditēē kētuake Edammu, kè Sidii kàbe è pènné kudoókati kè bèè ta mudòò. <sup>18</sup> Dafiti nè o kàbe kè bèè bè na kékua sinaasēī sikousiyiekè (700), sisēī sikoupíísìnàà (40000) nè sì dèèbè kékoute be kóo kótì Sobaki kòo kú deborè.

<sup>19</sup> Adadesee kó behāāpòmbè bemou sō ndìi mōnni Isidayeribe bè na kégóu kè bè narikenè, kēmpī mbe tōmmú. Sidii kàbe ténke í ndàátí ke bo teennè Amōniibe mudòò.

## 11

### *Dafiti duónèmè Batisebaa*

<sup>1</sup> Dibenni pànni bè sō keté dīi mōnni mudòò, kòo kpààti Dafitii tō nSoabu wèè baké Isidayeribe āāpòmbè, nè behāāpòmbè kè bè bo dokénè Amōniibe kè bè pònte kēpi be eidiè Dabaa. Wenwe Dafiti kè wenwe nkpaá Sedisadammu.

<sup>2</sup> Kuyuoku makù ke sō nhò òmpè kēíténí kēdeke kudànkù kéncenti tekpààticfētè ìnkè kégà onitipòkù mōu kòò wùò ke wenni mediè. <sup>3</sup> Kè Dafitii bíéké ke bo yà wèè nitipòkù nwe, kè bèè ò nàké ke dò: Batisebaa Udii Itiibe botí kou pokù nwe Ediammu kóo sapàà. <sup>4</sup> Kòo tō nkè bèè ò yuní, kòo kàtení o cīfētè ke sō nho yónti dèè kòò wènkunne òmàà bàmbà, kòo ò duónè kēdeè kòo kò.

<sup>5</sup> Kè de kóo nitipòkù púo nkétō nkè bèè nàké Dafiti ò pùómmè.

<sup>6</sup> Kè Dafiti pànkèe duó ntinàànti behāāpòmbè kóo kótì Soabu ke dò: Duó nkè Itiibe botí kou Udii konní. Kè Soabu duó nkòo konní. <sup>7</sup> Kè Udii tuàkení okpààti Dafiti borè, kòo ò beke Soabu kōnnaatí dōmmè nè behāāpòmbè kòku nè mudòò cènti mèè

botí. <sup>8</sup> Ò ò beke memme kédeè kòò nàké ke dò: Kò nha cīètè kéom̀pè sámpó.

Kè Udii íté okpààti cīètè, kòo ò pã dipãnni kéduónko. <sup>9</sup> Udii me nyí nkò nho cīètè, kékote kéduó mbehããpòmbè bèè bàa okpààti cīètè be borè ditowaà. <sup>10</sup> Dafiti tì kèè dìi m̀nni, kèbeke Udii ke dò: A bonní kupòòkù d̀tíkù nku dè d̀omme kàa í kò nha cīètè? <sup>11</sup> Kè Udii ò t̀nné ke dò: Okpààti, Kuyie ntaummè tou nè Isidayeeri be nè Suda kòbe kó behããpòmbè bá mbo titouti mièke, ti kóo kóti Soabu nè iwẽi yembè bá mbo dikpàa mièke kè mí nné bo n cīètè ke yo nke yõ nke dounè m pokù, okpààti nè a yètiri k̀péi n yetemu m báa d̀ò de kó kubotí, mí b́i! <sup>12</sup> Kòo kpààti Dafiti dò: Dè wenni nkpaá die nyíe nkè dè wenté n né duó nkàa ẁete.

Kè Udii nkpaá Sedisademmu kè dè yàa wenténè. <sup>13</sup> Kè Dafitii ò yu kè bèe ẁenné kédi k̀yà menaà nkòo ò duó mmenaà nkòo yà kémuó, nè memme kuyuoku m̀nni kè Udii kote kéẁennénè behããpòmbè bèè bàa okpààti cīètè kéduó ò í nkò nho cīètè.

<sup>14</sup> Kè d̀e wenté kè Dafitii wãri dipátiri Soabu ké di duó nhUdii. <sup>15</sup> Kè di tú: Niínnè Udii fekparinafe ìkè mudoò c̀èè dè kéẁete difõnkúò kóò yóu de ìkè òmàa kè d̀e yie nkè di dootitòbèe ò k̀ute kòo kú.

### *Udii Batisebaa d̀òu kumè*

<sup>16</sup> Soabu wèè paké dihei ke yé be dootitòbè kperibè bo dìi bòrì, kòo túóté Udii kénii nde ìkè. <sup>17</sup> Kè dihei kòbe yènni kédò Soabu, kékuo Isidayeeri be mièke benitibè kékuonè Dafiti kó behããpòmbè kékuo Udii Itiibe botí kou. <sup>18</sup> Kè Soabuu tã nkè bè bo nàké Dafiti dè wũkémè mudoò mièke, <sup>19</sup> kénáké ò tã nwè ke

dò: Kàa nàké okpààti dè wũḱémè mudoò miéke ke dèè, <sup>20</sup> ke ś nkòo miéke peike kòò tu dè yíme kè di tǎnnè dihei, di í yé ke dò mbè bo na kémbò kuduotí ñnkè kětāũnáá? <sup>21</sup> We ndo kùò Abimedeeki Yedubaadi biré Tebesi èi kou? Onitipòkù weè do bǎnténí kupèrikù kuduotí ñnkè kè kùu donní kòò yàke kékuò, dè dòmmè kè di tǎnnè kuduotí mediè? Kè nsà kòo kpààti da béinnè me kóo botí á ò nàké ke dè: A kóo tǎnti Udii Itiibe botí kou kumu múнке mudoò miéke.

<sup>22</sup> Kè ditǎnni kété kékò nkénáké Dafiti Soabu ò nàké ti timou. <sup>23</sup> Kè dò bèè bàà dihei bè kpeññimu ke ti pèèté. Bèè yènni ke ti dinté dikpàà kè ti yetoo ke bè bèti ke tũàkenè dihei kó dibòrì borè. <sup>24</sup> Dende detānnè yembè còmúmè kuduotí ñnkè ke ti tǎñi ke kùò behāpòmbè mabè kè a kóo tǎnti Udii Itiibe botí kou kàké be miéke.

<sup>25</sup> Kòo kpààtii ténne ditǎnni ke dè: Wète kéyáúkùnnè Soabu kǎnti ke dè, o yèmmè báà caàrè nè dèè dǎò de kpéi. Mudoò miéke benitibè í yóó paà mukũ, wèè yetoo kèpǎnte de kó dihei.

<sup>26</sup> Batisebaa kèè dii mǎnni o dǎu kumè kékǎmmú o kũ. <sup>27</sup> Mukũ nkó yewe pèèté dii mǎnni kè Dafitii tǎ nkè bèè ò yuní kòo ò puoke kòo peité denitidabire. Dè í nnarike ti Yiè nKuyie nnè Dafiti dǎò dè kpéi.

## 12

### *Dafiti dúnnè Batisébaa kè Kuyie nhò kpànnè*

<sup>1</sup> Kè ti Yiè nKuyie ntǎ nku pǎnǎnǎnti náǎntò Natāā Dafiti borè, kè Natāā tuǎkoo kòò nàké ke dè: Benitibè bèè do bo bèdébè dihei mari, kòo mǎu mǎke o kperè kòò tǎu tu ocīri. <sup>2</sup> Kè tikpàti yiè mmǎke iwũ pèu.

<sup>3</sup> Kòo cīri mǎke fepièfè fèmǎà ò dontémè ke fè piú kè

fè wě́h̄nè o bí ke bo, ke kótírí ke yo nhò yo mmùù diì, ke yò nhò yò mmèè niε, ke d̄ou o borè ke dò nho bire. <sup>4</sup> Diyie mari kè opàdò né tuakení okpàdàtì wenwe c̄f̄ètè kòo yóu ò bo p̄immè o wũ̄ miεke fèmafè ke né k̄ote kétúóté òc̄irì wenwe kó fepièfè femáà kékuo kébénné opàdò.

<sup>5</sup> Kè d̄ε yonke Dafiti mediè okpàdàtì wenwe d̄d̄ dè kp̄éí nkòo náké Natāā ke d̄ò: Nè Kuyie, wèè d̄d̄ memme de yiè ndò nkékúmu. <sup>6</sup> Nè ò í kuó mmèè kp̄éí nhoc̄irì wenwe mesémmè, ò bo yietí oc̄irì fepièfè ò tùóté fè ipe ìnàà. <sup>7</sup> Kè Natāā né ò nàké ke d̄ò: F̄ó nwe de kóo nìtì. Né nte ti Yiè nKuyie nyIsidayεeribe tũ nkù tu mù: Kù tu kuù da p̄i ntikpàtì kàa baké Isidayεeribe kè kù da deeténè Sauri. <sup>8</sup> Ke duó nkàa na Sauri nè o c̄f̄ètè kè kù tùóté o pobè ke da duó, ke duó nkàa baké Isidayεeribe nè Sudaa k̄obe, kè dè í da sànnè kù na nda yìému. <sup>9</sup> Ba nkp̄éí nné te kàa sènkèrì ku nùù, ke d̄d̄ kù í d̄ó dè, ke d̄d̄ dè bo yiennèmè kè Am̄oniibeε kuo Udii, kè bè ò kùo kàa tùóté o pokù ke puoke? <sup>10</sup> Di mmònnì mudoò í yóó f̄ūtenè a c̄f̄ètè, a me nkù sènkèrìmè ke tùóté Udii Itiibe botí kou pokù ke puoke. <sup>11</sup> Kénté kékeè ti Yiè nKuyie ntu mù. Kù tu kù bo duó nkè meyei nda tuakení, mè yóó yènnì a c̄f̄ètè mómm̄onte nte. Kù bo túóté a pobè a nuo miεke kéduó nha tebí kè s̄i bè duónè kuyie ncuokè. <sup>12</sup> A d̄d̄ dè dis̄rì, kunku bo dè d̄d̄ kuyie ncuokè kupiiti miεke Isidayεeribe bem̄ou ìkè.

<sup>13</sup> Kè Dafiti d̄ò: N cààr̄emu. Kè Natāā d̄ò: Ti Yiè nKuyie mmúnke da c̄f̄émmu a í yóó kú. <sup>14</sup> De miεke náké a cààr̄emu ti Yiè nKuyie, nè de kp̄éí nha bire bè peiténè dè bàmbà ndè yóó kúmu.

15 Natãã ò nàké mɛmmɛ kédeè kékò nho cīètè.

### *Batisebaa bire kumè*

Kè ti Yiè nKuyie mpoté Udii pokù Batisebaa peité dèè bire Dafiti kè dèe muɔke kè dè ncĕĕ mediè. <sup>16</sup> Kè Dafitii bántè ti Yiè nKuyie nde kó debire kpéi nkéboú dinùù, ke ntũũnko kékonní kuyuoku kényiè nke duó ketenkè. <sup>17</sup> Kòo kó betãmbè kótíbèè ò bántè ke dò wèe íté. Kòo yete, ò keté ke í nyie nke bo bè wĕnnénè kédi. <sup>18</sup> Kè debire mmɔke yewe yĕyiekè nè de muɔkemè kékú. Kè Dafiti tãmbè ñyĩèkù bè bo ti nhò nàkémè kénnáá mbe máá ke wéú ke tú: Debire sòò kpaá ke fòumu kè tí nhò nàánnè ò í nti kémmú, ti bo yĩme ke dáátí kòò nàké debire kumè ò yàà bo dɔò omáá mɛyɛi. <sup>19</sup> Kè Dafitii yà bè náá nnáámmè bemáá ke wéú kébanté tii tùòkení ké bè beke ke dò: M bire kumáá? Kè bè dò: Ɛɛ, dè kumu.

<sup>20</sup> De mɔnni kè Dafitii íté ketenkè kéwuɔ, kéãnné tùdààrí, kéceete tiyààti, kéta ti Yiè nKuyie ncĕètè kébántè Kuyie. Ò konní dìi mɔnni o cĕètè kéduó nkè bèè ò waá mmudii kòo di. <sup>21</sup> Kòo kó betãmbèè ò beke ke dò: Okpààti a dɔəri ba mbotí nku? A bire sòò kpaá fòu kàa boú dinùù kénkuò, kè dè né ku kàa íté ke yonnaa? <sup>22</sup> Kòò dò: M bire sòò kpaá fòu kè m boú dinùù kénkuònnè Kuyie nku ke tú kè dè naati kù n kuó mmesémmè kè dè báá kú. <sup>23</sup> Dè né me nkumèmu ke dèè n né bo mboú dinùù ba nkpéi? N yí kpaá bo na ké dè fòùkùnnɛ, mí sàà bo dè sǒńkóo dè í wĕtiní m borè.

### *Bè peitémè Sodomɔ*

<sup>24</sup> Kè Dafitii kɔte kébámmú o pokù Batisebaa o bore kũũ nkpéi, kòò duónè kòo peité denitidabire kòo dè yu ke dò Sodomɔ, kè ti Yiè nKuyie nní ndè dó,

25 kětō nku pāānāantì nāāntò Natāā kòo náké Dafiti Kuyie ndómè de kó debire, ké dè yú ke dò Yedidia, dèè benkú ke tú Kuyie ndó wè.

*Dafiti pòntemè Adaba*

*(Wénté 1 Bekpààtibè tōmmú 20:1-3)*

26 De mōnnì kè behāāpòmbè kóo kótì Soabu do Adaba Amōniibe èi dièrì kéfiete okpààtì kó dicēkarì, 27 kětō nkè bèe náké Dafiti ke dò: Soabu tu ò pòntemu Adaba ke fiète meniè mbo dii eikarì. 28 Kàa túóté behāāpòmbè kè di kotoo kèpònte dihei kàa di fiète ò í ndó wèe di túóté o mōmmu nkè di ntò wèe kó diyètìrì. 29 Kè Dafitii túóté behāāpòmbè sōmbe kè bèe kote kèdo dihei ké di pònte kòo di tieke, 30 Kè bèe túóté be kóo kpààtì òké dii sōpìi, kè di cēékù tūòke cidòòbè bèkuò, kè di dàri ditāsààrì dii donku kpeñnì ké di òó nDafiti kéeínè tinentì tetì péu. 31 Kè Dafitii pīmmú benìtibè kékōnnè ké bè pīnné muheikèntōmmú, kè bè nsóũ tidabesèti, ke céú yetárè. Ke kōũ ideí, ke piiku yedombie ke múnke mè dòò Amōniibe ekè teyè. De kó difōnkúò Dafiti nè o āāpòmbè kè bèe kò nSedisademmu.

## 13

*Amunə duónèmè Tamaa*

1 Dafiti kóo dapàà nhAbusademmu do mōke o tãũ mōu nwe, oposáátì mesàà, kòo yètìrì tu Tamaa. Dafiti kóo dapàà ntōu mōu bè tu wè Amunə. Kòo dōke de kóo sapàà mmediè. 2 Ke mènkee ò dōke kè dèe tonté kòò dòò mumōmmú. Ò í nyà ò bo yīmè kòò nìnte ke yé ò mu ndo í yīétèmè onitidòu. 3 Kè Amunə né mōke o népo mōu Dafiti kóo kótì Simēa bire, kòo yètìrì tu Yonnadabu kòò cii mediè, 4 kébeke

Amunəw ke dɔ̀: Ba nkpéi nte f́ n̄hokpààti bire kàa ìikè ò nsòu yekūnwerè yeməu? A bá n náké mùu teà? Kè Amunəw dɔ̀: N tebite Abusadəmmu tãũ Tamaa nwe n dómè. <sup>5</sup> Kè Yonnadabuu ò náké ke dɔ̀: Dəw kéndò nhə mɔ̀ nkénduó a dɔ̀u ìnkè kàa cice kətení ke bo da síéké á ò náké ke dɔ̀: Duó nkè n tãũ Tamaa kətení ké n yěnté. Wèe kətení kəmbéři die m borè, kòò dèè wèe tɔ̀ní o mómumu nkè n duó nkè n di.

<sup>6</sup> Kè Amunəw dɔ̀w kéndò nhò mɔ̀, kòo cicee kətení ke bo ò sìéké, kòo ò náké ke dɔ̀: Duó nkè n tãũ Tamaa kətení ké n kake yekàtìndà yèdèè ké n duó nkè n cááké.

<sup>7</sup> Kè Dafitii tɔ̀ nkè bèe náké Tamaa ke dɔ̀: Kəte kébénne a tãũ Amunəw kòo di.

<sup>8</sup> Kè Tamaa kəte kənsó nhò duó o dɔ̀u ìnkè, kòo ànte ticooti kénkaati kè Amunəw wùó. <sup>9</sup> Kòo yè tùóté kéinné Amunəw ìikè, kòo yete ke dɔ̀ bèe denne benitibè beməu, kè bèe yie nkéyè. <sup>10</sup> De mənni kòo náké Tamaa ke dɔ̀: Tɔ̀ní de kó yekàtìndà n dɔ̀u borè, f́ò yóó yè nni nduó nhə mómumu nkè n cááké. Kè Tamaa yè tùóté kəkətenko ò duó dè. <sup>11</sup> Ò yè nhò yòutoo dii mənni kòò bo cááké, kòo ò pī nke dɔ̀: Kətení n tãũ kè tí duó. <sup>12</sup> Kè Tamaa yete kəkuónko ke dɔ̀: Bá m pīnnè muwērimú Isidayeribe í dɔ̀ri memme, bá n dɔ̀nè isəke inyi botí. <sup>13</sup> M bo cuónnè ke de kó ifei, f́ nhə mómumu mbè yóó da wénté onitiyeiwe nwe Isidayeribe cuokè. Béinnè okpààti ò í yóó yete a bo m puokemè.

<sup>14</sup> Amunəw í nyie nke bo kénté, kòò pīnnè muwērimú kəduónnè. <sup>15</sup> De kó difōnkúò ò ténke í ndó kòò yà fenōnfè kòò sēnkèrì kè dèe pēēté ò do ò dó mēè botí kòò ò bēti ke dɔ̀: Yè! <sup>16</sup> Kòo yete ke dɔ̀: Kàa m bēti de kó meyi mbo ndeu kēpēēté meketimè a n dòò mè.

Amunᵋ me nyí nkènté, <sup>17</sup> kéréi nho kóo tǎnti ke dè: Denne we nsapàà nkékpétínné dicàù kéréáá. <sup>18</sup> Kòo tǎntii ò dènné kékpetínné kéréáá.

Tamaa do dáátí disapùnyaàbòrì sààrì ndi, de mǎnnì kó bekpààtìsapàmbè mu ndo ǎǎ í nyé onitidòù kéndáátí yè. <sup>19</sup> Kòo pũ nhomáà mutápeí nkékèrí o yaàbòrì kèmpì o ìkè ke kéréí ke kǎnti. <sup>20</sup> Kòo tǎũ Abusadǎmmuu ò beke ke dè: Amunᵋ da duónèmaà? Cíéké a tǎũ nwe a bá ndake de kpèti.

Ke túóté de kó diyìè kè Tamaa mbo o tǎũ Abusadǎmmu cǐtè, bá òmàù í ndake o kpèti. <sup>21</sup> Kòo kpààtì Dafitii keè dèè dǎdè kè dèè ò yonke mediè nhò me nyí mbéi ntimatì, ke yé Amunᵋ do túmè Mpo nwe kòo ò dǎ mediè. <sup>22</sup> Kè Abusadǎmmu mieke mǎpèi Amunᵋ ò càke mèè kpéi nho tǎũ, bá ò ténke í nhò náánnè.

### *Abusadǎmmu duǎmmè kè bèe kuᵋ Amunᵋ*

<sup>23</sup> Kè dè mmàke yebie nyèdèè kè bè nkèi Abusadǎmmu pe citì Baa-Aso Efadaimmu tenkè mǎnku, kòo yú okpààtì dapàmbè bémou mudii, <sup>24</sup> kékòte okpààtì cǐtè kòò nàké ke dè: N cice n da báámmu, n yikú m pecitì kèi mmu, ke dǎ fǎ nnè a tũmbè di kǎtení de kó dibanni. <sup>25</sup> Kòo kpààtì dè: M bire kè ti kǎte timou ditou yàà bo da cèèke, ti báá na kékòte timou.

Kè Abusadǎmmu nyetíróo, kòo kpààtìi yete kèbeke Kuyie nkó mèsàà mmáà o ìnkè bá wenwe í nkòte o mómmuᵋ. <sup>26</sup> Kè Abusadǎmmu dè: Kàa í kǎri a mómmuᵋ nyóu kè ñ tebite Amunᵋ n neinè, kòo kpààtì dè: Ò da neinè ba nkpréí?

27 Kè Abusadõmmu baa nyetíróo kòo kpààti ríbo kényóu kòo kó bedapàmbèè ò nèinè kékòte.

28 Kè Abusadõmmu náké o kò betõmbè ke dò: Dí ñwéí kè Amunõõ muó ndiì mènni menàà nkòo ìikè kòore, kè m péi nke yí poténè we, di ò kùò ke bá nyĩèkù, mî me nyẽ. Di kõmbùàti bá nduò, dõdònè dinitidaà.

29 Kòo tõmbèè dõò ò bè nàké ti kékùò Amunõõ, kòo kpààti dapàmbèè sãmbèè cíété bá wè kòo deke o sãntè kécoké.

30 Kè bè nkpaá ke mu nyí tũðkoo kè Dafiti ti kèè kè bè tu: Abusadõmmu kùò okpààti dapàmbèè bẽmõu bá òmòu í kpaá bá omáà. 31 Kòo kpààti yèmmèè caàrè kòo kěté o yaàbòrì, kédoroo ketenkè, kòo kó betũmbè múnke kèrí be kpɛye ké nhò murí. 32 Kè Dafiti kóo kótì bire Yonnadabuu béi nke dò: Okpààti a yèmmè bá ndò nha kó bedapàmbèè ku bẽmõu, Amunõõ mää ndi bè kùòmè, nè ò càke diì yiè ndi Tamaa de kó meyèmmè tamè Abusadõmmu. 33 Tũ mbá ntoti a yèmmè ke tú a kó bedapàmbèè bẽmõu ndi bè kùòmè, Amunõõ mää ndi bè kùòmè. 34 Kè Abusadõmmuu coké.

Odapàà nwèè paké dihei kòo yà ditĩnni mari cootinimè Odonnaimmu tãri përi, kékòte kénáké okpààti ke dò: N yà benitibè mabè mbè kè bè cootini Odonnaimmu tãri përi.

35 Kè Yonnadabuu náké okpààti ke dò: A bí ìi kèriní. N da nàké tinti.

36 Yonnadabu kpaá me nnáá nkòo kpààti dapàmbèè tuakení, kètiitè yedabùò, okpààti nè o tũmbè kè bè múnkèè tiitè yedabùò.

37-38 Kè Abusadammu yie coké kékote Tamai Ammiudi Kesuu kpààti cie ké nke mbo ke dà yebie nyètāāti, de kó yemòrè kè Dafiti kuò nho bire Amunṳ kũũ. <sup>39</sup> Kè bèe ò bàntè Amunṳ kũũ nkprí mbá o miéke ténke í mpéí Abusadammu.

## 14

### *Abusadammu wētēnīmè Sedisadammu*

<sup>1</sup> Kè Seduyaa bire Soabuu banté Dafiti yèmmè bomè Abusadammu bíékè, <sup>2</sup> kētō nkè bèe yúni onitipòkù mṳ Tekoa èi, kòò ciì mediè, kòò ò nàké ke dà: Dṳ kè dè ñdò nha tṳ tiyṳṳti, a báá yṳre amáà tūdààrí, dṳ kéndò nha tṳ tiyṳṳti kè dè mṳntè, <sup>3</sup> kékote kényà okpààti kóò nàké n yóó me nda nàké tì.

Mèmmè kè Soabuu ò nàké ò dṳ nke bií nàké tì. <sup>4</sup> Kòò nitipòkùu kote kényà okpààti kénínkú kēsīnné o ìikè, kóò nàké ke dà: N dṳ a n teennèmu. <sup>5</sup> Kòò kpààti ò beke ke dà: A dṳ ba? Kòò dṳ: Okpàati n tú okúpokù nwe, n dṳ wèe ku, <sup>6</sup> ke sṳ m mṳke ibí ìdèi, kè ì né kpa nkupaku bá òmṳ ì dè bo ke bo ì pàte, kè dèmáà kṳ dèterè. <sup>7</sup> Kè n dṳ naàmunkù kṳbe né ité ke bo ò kṳ, ke tú m bè duó nhonitikṳti, kè bèe ò kṳ kèpèite ò kṳmè o nantè. Bè dṳ kékuṳmu osanwe n kpaá wúó nwe kè n dṳ kó kufukuu kpánné.

<sup>8</sup> Kòò kpààti dṳ: Kò nha cīètè, n yóó yàmu a kpeti. <sup>9</sup> Kòò nitipòkù dṳ: Okpàati, kè tìmatì tṳkení, de kó tináàntì ñnkè, mí nnè n cīètè kṳbe ti bo ti tṳ, ti í yó ntú a kpeti yoo a kpààtiyuu kpeti. <sup>10</sup> Kòò kpààti dṳ: Kòò mṳ da kpánné, a wè nni ntṳní ò ténke báá dè yì nè ò bo mbomè. <sup>11</sup> Kòò nitipòkùu yí kébéi nke dà: Okpàati, béi nkéyú Kuyie nha báá nkṳ yètìrì, wèe dṳ kèpèite kòò báá kṳ m bire sṳnne. Kòò kpààti dṳ:



nhAbusadōmmu kè di konní.

<sup>22</sup> Kè Soabuu nínkú okpààtì ìkè késīnnóó ketenkè kóò dōunnè mutōmmú ke dō: Okpààtì n yému ke dō m pètè a kó mesàà, a mè nyiemmmè ke dōò mí nha kóo tōntì n da beke tì.

<sup>23</sup> Kè Soabuu íté kēpī nkuce kékote Kesuu kētōní Abusadōmmu, kè bēe konní Sedisadēmmu. <sup>24</sup> Kòo kpààtì bēi nke dō: Wèe kò nho cīètè n yí dō kóò yà.

Mēmme kè Abusadōmmuu kò mbá ò í yà okpààtì.

*Dafiti nè Abusadōmmu bè wète ke taummè*

<sup>25</sup> Isidayeribe miēke òmòu do í bo wèe wenni ke dōnnè Abusadōmmu, kētúóté o naàcèi kēdekenè o yuu dēmarè do í bo a bo yí dēè yeté. Dēè do te kè bè nhò sāntí. <sup>26</sup> Bá dìi benni kó mukūū nkòò níi kēi o yùtì, ke yé tì ò cēēkemè mediè nkòò níi tì kēi kécōnné okpààtì kó tēbiètè kè tì mbo cidòò bèdébè. <sup>27</sup> Abusadōmmu do mōke initidabí itāāti ndi denitipobire dēmáà, kè de yètìrì tú Tamaa kè dè wenni mediè.

<sup>28</sup> Kè Abusadōmmu mbo Sedisadēmmu ke dō yēbie nyèdèè bá ò í kòte okpààtì cīètè. <sup>29</sup> Diyìè mari kòo yú Soabu ke bo ò tō nhokpààtì borè kè Soabuu yete ke í nkòtení. Kòò yíé kētōnko otòu kè Soabu baa yete, ò í nkòtení. <sup>30</sup> De mōnni kè Abusadōmmuu náké o kó betōmbè ke dō: Kupaku kùu me mbo n kōku borè dí kù cōu. Kòo kó betōmbèe dōò ò bè nàké tì. <sup>31</sup> Kè Soabuu kote dende bàmbà nhAbusadōmmu borè kóò beke ke dō: Dè yīme kàa kó betōmbè cōu m paku? <sup>32</sup> Kè Abusadōmmu dō: N da yumu kàa yete, n do dō ke da tō nhokpààtì borè nde kàa ò beke ke tú, n yē mba nte kè n yìtēní Kesuu? Kè n do nkpaaní dè

na ntõũ. Di mmõnni n dó kékõtemu okpààti borè, kè n cààrèmu kòò bo n kuò wè n kuò.

<sup>33</sup> Kè Soabuu kòte kénáké okpààti Abusadõmmu ò nàké ti timõu. Kòo kpààti duó nkè bèè ò yùní kòo cokéni kénínkóo o ìkè kòo ò kóunnè.

## 15

### *Abusadõmmu dómè kécouté tikpàti*

<sup>1</sup> Kè Abusadõmmu waá ntekpàrìnaasãntè nè benitibè sipísìnùmmù kè bè nni o ìkè ke cokù. <sup>2</sup> Kè níi pike cute dikũnweñni sèi kénkari kuce nùu kùu kòrinè dihèi kó dibòri, kòò mòu mòke tìmatì ke kòri ke bo beé nhokpààti, Abusadõmmu ò yu kèbeké ò yènní dè, kòò ì: Okpààti dapàa m bonní Isidayeribe botí mièke nke. <sup>3</sup> Abusadõmmu dò: Dè wenni, fãð naati òmòu me nyí yóó da keènè a teti okpààti borè.

<sup>4</sup> Kòò dèè mèmme ò dò: Kè múi né do ntú obeénti di nhèi, bèè kòriní tibeénti n na mbè bekùnè weti weti nwe.

<sup>5</sup> Kè de yiè nkòtení ke bo nínkú o ìkè wèè ò ínní kóò kóunnè.

<sup>6</sup> Mèmme Abusadõmmu do dõorimè bèè kó dimàà kòriní tibeénti okpààti borè, ke yũ ò nyIsidayeribe bèmou yèmmè o bíékè.

<sup>7</sup> Yebie nyènàà kó difõnkúò kè Abusadõmmu náké okpààti ke dò okpààti m pã kuce kè n kòte Ebunõ kédòò ti Yiè nKuyie nkó ikuó, n do kù dõunnè dinùu ndi <sup>8</sup> n do bo dii mõnni Kesuu Sidii tempè mmieke kédõunnè Kuyie nku dinùu ke dò kè kù yiè nke n kpènnéni Sedisadõmmu m bo kù fié iwũõ Ebunõ. <sup>9</sup> Kòo kpààti dò: Kòte kè dè nnaati.

Mɛm̄m̄e kɛ Abusadɔmmuu kɔte Ebunɔɔ. <sup>10</sup> Ò ke mbo kɛt̄ɔ n̄ho kó benìtibè disòrì Isidayɛeribe bɛm̄ou borè kɛ bèe bè nàké ke dò: Kɛ di kèè dii m̀n̄n̄n̄i dit̄ateheù kuóm̄m̄è, dim̄ou di p̄ĩkè ke dò: Abusadɔmmuu naá nhokpààti Ebunɔɔ. <sup>11</sup> Benìtibè sikɔup̄isidé (2000) bèè do ò n̄éinè Sedisadɛmmu kékɔte Ebunɔɔ bè m̄e ndo í yé ke dò nhò dó kédòò t̄imatì.

<sup>12</sup> Bè feu dii m̀n̄n̄n̄i Kuyie nyiwũɔ, kɛ Abusadɔmmuu t̄ɔ nkè bèe yúnì Aitofɛedi wèè do ð nduò nyitié nDafiti, kòò bo Kido o èi miɛke. Kɛ Abusadɔmmuu kó benìtibè mmó nke sũũnko, kòò bo b̄ommè okpààti kó m̄eyèmmè mmó nke déúkú o miɛke.

### *Dafiti yèmè Sedisadɛmmu*

<sup>13</sup> Dɛ m̀n̄n̄n̄i kɛ bèe náké Dafiti ke dò: Isidayɛeribe bɛm̄ou tũnne Abusadɔmmuu nwe. <sup>14</sup> Kɛ Dafiti p̄ánkɛɛ náké o kó betũmbè bèè ò bonè Sedisadɛmmu ke dò: Tí cokénè, Abusadɔmmuu yàà bo ti kuɔ, tí c̄arike kòò yàà bo ti s̄ónké kɛ m̄eyei m̄peité diheì kòò kuɔ kubotì kum̄ou. <sup>15</sup> Kòò tũmbèè ò t̄énné ke dò: Kàa t̄ããté tì ti bo a f̄n̄kúò ndi.

<sup>16</sup> Dɛ m̀n̄n̄n̄i okpààti nè o kɔbe kɛ bèe íté tekpààtic̄iètè nè sinaàc̄ei, kòò yóu o poc̄iè ntep̄ítè m̄áà kɛ yè m̄baa o c̄iètè.

<sup>17</sup> Okpààti nè o kɔbe bè yènnì dii m̀n̄n̄n̄i diheì kécóm̄m̄ú t̄ec̄iètè s̄ontɛ také, <sup>18</sup> kòò kó betũmbè m̄p̄ɛnkù. Kedetiibe nè Pedesiibe kɛ bè m̄p̄ɛnkù nè Itaii nè Kati kó behããp̄òmbè sikɔusikuò (600) bèè do tũnne Dafiti kɛ bèe dóóté k̄emp̄ɛnkù o ìikè. <sup>19</sup> Kòò náké Itaii Kati èi kó behããp̄òmbè kóo kótì ke dò: Dè ȳime kàa dó ké nti n̄éinè? W̄ɛte diheì k̄em̄bonè

okpààtì pànwè, a tú opòò nwe ke kàtení ke ompu die.  
 20 A tùòkení ti cie dè í m̀̀ntɛ p̀̀nke báá ti neinè, m me nkèté ke í yé n k̀̀ri kè. Neinè a k̀̀be kè dí ẁ̀tɛ diheì kè Kuyie nní ndi bonè ké di d̀̀ò m̀̀sàà.

21 Kè Itaii ò t̀̀nné ke d̀̀: Okpààtì, ti Yiè nKuyie mbomu k̀̀a bo, a yó mborè n yó ndɛ mbo, kè mukũũ mmu tí kú, kè mufòmmu mmu tí nfòu. 22 Kè Dafiti d̀̀: Dè wenni niité, k̀̀o niité nè behããpòmbè nè be c̣ĩ k̀̀be nè be bí. 23 Kè benitibè beməuu tiité yedabùò nkémp̣enkù Dafiti ìkè. O m̀̀mmuò nk̀̀o sénté kukó nSetinə, k̀̀o k̀̀be nhò tũ nkè bè k̀̀rì kuce k̀̀u d̀̀rínè dikp̀̀á. 24 Kè ikuó niùtì Sadaki dè bo nè Defiibe bèè t̀̀ Kuyie ntaummè t̀̀, kè bèè di d̀̀ú nyikuó niùtì Abiataa borè kémbaanè benitibè bo yèmè diheì beməu. 25 Kè bèè p̣ẽtè kédeè, k̀̀o kp̀̀àtìi náké Sadaki ke d̀̀: Kp̣enné Kuyie ntaummè t̀̀ diheì, kè Kuyie nni ndónè m̀̀sàà nk̀̀u yóó duámmu kè n ẁ̀tení k̀̀yà ku c̣ĩtè nè ku taummè t̀̀. 26 Kè k̀̀u m̀̀e ndó ké m m̀̀ntɛ ku k̀̀o m̀̀sàà nk̀̀u d̀̀ò k̀̀u d̀̀mè.

27 K̀̀o yíé náké ikuó niùtì Sadaki ke d̀̀: Ẁ̀tɛ diheì nè a bire Ayimasi nè Abiataa nè o bire Yonnatã kè dè nnaati. 28 Mí n yó mbo kukó nSudiṭ̣̣ p̣éemmè m̀̀e ke yà keènè di kp̣eti d̀̀mmè.

29 M̀̀m̀e Sadaki nè Abiataa kè bèè kp̣enné Kuyie ntaummè t̀̀ Sedisadəmmu ké nke mbo.

### *Dafiti ṭ̣̣m̀̀m̀ Usaii k̀̀ò bo paaté Abusadəmmu*

30 Kè Dafiti ñdeètì Odifíè ṭ̣̣rì ke k̀̀nti, ke dáátì o yuu kuyààk̀̀, ke k̀̀rì menacèbii, bèè ò neínè kè bè m̀̀nke dáátì be yə tiyààtì ke k̀̀nti. 31 Kè bèè náké Dafiti Aitofɛedi k̀̀kémè bèè d̀̀ k̀̀ò bə mbe miɛke, ke ẉenné Abusadəmmu. Kè Dafitii kuónko ke d̀̀: Tì Yiè nKuyie, n da báámmu! Yóu kè Aitofɛedi k̀̀o



ìikè ke dò: Okpààti f́ nnè mutōmmú a nsòké ké nni nkuò mmesémè.

### *Simèii nḡsìrìmè Dafiti*

<sup>5</sup> Dafiti tùðke diì mḡnnì Baudimmu èi kè Sauri naàm̀nkù kou mḡu Keda birɛ, kḡo yè̀tìrì tu Simèii, kḡo yè̀nnì kémbuḡ nDafiti kus̀nkù. <sup>6</sup> Koḡ bḡmmu yetárè koḡ uuti mutáá, bá nè Dafiti kò betũmbè nè behããpḡmbè do me nhò murímè. <sup>7</sup> Kḡo nhò sãá nke p̄ĩkù ke tú: Fũte, fũte des̄innè f́ nhonitikḡ̀tì! <sup>8</sup> Ti Yiè nKuyie nda kpetínné a kḡo mḡè k̄p̄éi nke Sauri c̄ĩè̀tè a yùú́kúmu Sauri k̄p̄à̀tì deè te kè ti Yiè nKuyie nti duḡ nha birɛ Abusadḡmmu, kàa ta meháárì̀mè mièke a tú onitikḡ̀tì nwe.

<sup>9</sup> Kè Seduyaa birɛ Abikaii náké okpààti ke dò: Demḡcìrè die mbá ntũũ nke da sãá, yóu kè n kḡte ké dè fèúté. <sup>10</sup> Kḡo k̄p̄à̀tì Dafiti dò: Di báá ti ta f́ nnè a kḡo kḡtì Soabu kḡò n sãá ti Yiè nKuyie nkuù yè̀ nhò nni nsáá nhò mḡu báá na kḡò bà. <sup>11</sup> Kè Dafitii náké o tũmbè nè Abikaii ke dò: Mí m birɛ mḡmmḡnne m p̄eíté dè dḡ ké n kuḡ, kè Bensamɛɛ botí kou weè né bo n yóuà? Yóunè we kḡo nni nsáá, ti Yiè nKuyie nkuù yè̀ nhò nni nsáá. <sup>12</sup> Kè dè yè̀mme ti Yiè nKuyie mbo wé̀nté n sém̄mè kéduḡ nkè meyei nhò n dḡnè mḡe naá mmesà.

<sup>13</sup> Dafiti nè o kḡbe kè bè nsòké be ce kè Simèii bè dirínè ditári p̄eri ke bè bḡmmù kus̀nkù ke tú bè bo yà, ke bè bḡmmù yetárè ke bè uuti mutáá. <sup>14</sup> Dafiti nè o kḡbe kè bèe ntuḡkoo kukó nSudit̄̄ p̄eém̄mè, ke òu mmucèmmu kékaro kénhomp̄u deborè.

### *Usaii kḡtemè Abusadḡmmu borè*



(12000), kè tí kòte Dafiti wammù ke nyènkè. <sup>2</sup> Ti yóó ò nintemu ò bo ou dii m̀nni kòo w̄rímúu deè, kè tí bè cùte bèè kó dimàà ò neínè kè bèe coké kè tí ò kùò omáà. <sup>3</sup> N yóó me nyí kéténnéni Isidayeeribe bemou a borè. Kàa nìnte a do waà nwè ke deè, benitibè bemou yóó w̄tení a borè nde kèpété meompùmè.

<sup>4</sup> Abusadõmmu nè Isidayeeribe kó bekotíbè bemou kè bèe pénsiri de kó tináànti. <sup>5</sup> Nè memme kè Abusadõmmu duó nkè bèe yúní Usaii Adikiti eì kou kòò múnkèe ò beke ke bo yà wenwe kó meyèmmè dòmmè.

<sup>6</sup> Kòo tuakoo kè Abusadõmmu ò nàké Aitofeedi ò nàké tí timou kédeè kóò beke ke d̀: Ti dò nkédòò ò béi ntàa kè tí yóó? Ti nàké f̄ nkó meyèmmè dòmmè.

<sup>7</sup> Kè Usaii nàké Abusadõmmu ke d̀: Aitofeedi me nduó nyì tié nyíe nyì í tú isàayi. <sup>8</sup> A yému a cice nè o nitibè bè dòmmè, bè tu bekrarinuambe mbe be kpeti yóumu, ke dò ndiciriciri dii bire feti dikpáà. Ketíke a cice wèe yē dikpànni dòmmè, ò í yóó yie nkéw̄nnénè benitibè keyènkè kédú. <sup>9</sup> Kè de yèmmè nè mie nhò s̄ri kutādènkù makù nku yoo kupíkù tekù, kè bè keté ti kabe mukù benitibè yóó tí kèemu ke d̀: Abusadõmmu kabe ȳlke. <sup>10</sup> De m̀nni bá bèè m̀ke yekōmbò yeciricirè kōme be k̄nti yóó yārikemu, ke yé Isidayeeribe bemou yémèmu ke dò nha cice tú okparinuanti kòo kó behāpòmbè tu yekōmbò yembè. <sup>11</sup> Nte n yóó da nàké tí: Túóté Isidayeeribe tenkè kemou mieke behāpòmbè kè bè nsū ke mannè dàméèrì nùù kó mubirímú, kàa bè neínè a mómmuò nkè dí kòte ke bè kpànnè. <sup>12</sup> Ti yóó nintemu Dafiti bá kòò d̀ wèe s̄ri kè tí ò do timáanti ò̄ domè ketenkè, wenwe nè o kabe bá òmòu báá cooté. <sup>13</sup> Kòò s̄ri diheì marì mieke behāpòmbè bo

waá nyiwěĩ kè ti dì dète kètanné kukó mmieke bá ti báá súó nditári mari.

<sup>14</sup> Abusadɔmmu nè Isidayɛeribe kè bɛɛ pɛnsiri Usaii kó itié nke béi nke dà: Usaii kó itié nwenninè Aitofɛedi kpɛyi.

Aitofɛedi kó itié nyii do tú isàayi kè ti Yiè nKuyie nkuù ndó ì báá di, kè dè bo yie nkè kùu tanné Abusadɔmmu mɛyɛi mmieke.

### *Dafiti sɛntémè Suditɛɛ*

<sup>15</sup> Kè Usaii yĩ memme kénáké ikuó nùtì Sadɔki nè Abiataa Aitofɛedi duó nyii tié Abusadɔmmu nè Isidayɛeribe kó bekótíbè, kè wenwe né yɛ mmù. <sup>16</sup> Ò dèè memme ké bè nàké ke dà: Kɔtenè mɛcãã nkénáké Dafiti kòò báá duó Suditɛɛ kó kubiriku borè, wè yetoo ké kù sɛnté bè yàà bo bè kùo wenwe nè o kɔbe.

<sup>17</sup> Abiataa bire Yonataã nè Sadɔki bire Ayimasi kè bè bo ã-Dokedi kè bɛɛ tɛnko onitipòkù mɔ̀u kòò bo bè nàké, kè bɛɛ kɔte ke tì nàké Dafiti. Bè do í dò nkéta dihèi bè yàà bo bè yà. <sup>18</sup> Nè memme kòò dapàà mmò̀u bè yà kékɔte kénáké Abusadɔmmu, kè bɛɛ coké mɛcãã nkéta onitì mɔ̀u cĩtètè Baudimmu èi, kè tɛbinte matè bo de yiè ncĩtètè kè bɛɛ ta te mièke késori. <sup>19</sup> Kè tɛcĩtètè kóo nitipòkùu túóté diyaakònni kèpitè dɛĩnkè káyenné tidiiti bá bè í mbanté ke dò mbenitibè bo de mièke. <sup>20</sup> Kè Abusadɔmmu tɔ̀rɛɛ tuakoo de kóo nitipòkù cĩtètè kòò beke ke dà: Yé Ayimasi nè Yonataã bè borè? Kòo nitipòkù dà: Bè pɛtètè ke ta menie.

Kè bɛɛ bè wammú kémónté kékò nSedisadɛmmu. <sup>21</sup> Bè ité dii mònni, Ayimasi nè Yonataã kè bɛɛ yènni tɛbinte mièke, kékɔte kénáké okpàati Dafiti Aitofɛedi

nàké tì benitibè, kédeè kòò nàké ke d̀, bèe coké mecã nkésenté Suditɛɛ.

<sup>22</sup> Dafiti nè o kɔbe bəmou kè bèe íté páíí késenté kukó nSuditɛɛ, kè d̀ nyóó wenté bá òmòu í kpaá wèè í sènté.

<sup>23</sup> Kè Aitofɛdii banté bè í d̀òmè ò bè nàké tì, kébóu o nenti o sãmmarímú kékò nho èi kénáké o kɔbe o kpeti, kédeè kénúnné omáà, kè bèe ò kũnné o cice kó kufōti.

### *Dafiti k̀temè Maanaimmu*

<sup>24</sup> Abusadɔmmu nè o kɔbe Isidayɛribe kè bè m̀p̀nké Suditɛɛ ke ś nDafiti t̀̀̀ke Maanaimmu.

<sup>25</sup> Abusadɔmmu do tããté Amasa nwe kòò mbaké o ããp̀mbè, weè do c̀uté Soabu f̀̀tìrì. Amasa cice do tú Itira nwe, kè bè ò tu Isidayɛri, kòo puoke Abikayɛdi. Abikayɛdi cice tu Naasi, kòo kóo kóti tu Seduya tãũ Soabu ỹ.

<sup>26</sup> Abusadɔmmu nè Isidayɛribe kè bèe báté Kadaadi èi.

<sup>27-29</sup> Dafiti t̀̀̀ke d̀i m̀nni Maanaimmu kè bèe ò tao yedúò nè tipeciti kó tiyààti nè yebɔ nè tidiiti nè muyuo nnè tidiiti t̀i c̀e nnè itũ nè itũ bè tu ì Soyaa nè mecekùò nnè yenaakãã. Nè be yèmmè mieke ke tú de kó benitibè bo nh̀unè dik̀nni nè sinéyẽ. Bèè do d̀ mbè tao beè yètè tú: Sobii Naasi bire Adaba Am̀niibe èi dieri kou, nè Makiiri Amiyɛdi bire Dodabaa èi kou nè Badisidaii Dokedimu èi kou kòò bonní Kadaadi temp̃ mmieke.

## 18

*Bè namè Abusadɔmmu nè o kɔbe*

1 Kè Dafitii kaà mbenitibè bèè ò bonè, kètããtè bèè yó mbè baké, yie nsikòupí otàù sikou, 2 kètoté behããpòmbè yetfirè yètããti kédúó ndimáà Soabu kédúó nditeri Seduya bire Abikaii Soabu nantè kédúó nditeri Itaii Kadi kou, kédeè ké bè nàké ke dò: N dó ké ndi neínèmu m mómumu. 3 Kè behããpòmbè dò: A í dò nké nti neínè, bá kè tínti coké ti dootitòbè í yó mbòti ti kpèti, bá kè bè ti kùò dikéè, be kpèti í ti bonè. Fó mme mmànè behããpòmbè tekoupiríítè (10000) nte amáà. A dò nkénkraá dihei ndi, kè dè dòmmè a ti teennè. 4 Kòo kpààti dò: Dè wenni m bo dòò di dómè.

Memme kòò nkraá dihei kó dibòri borè kè behããpòmbè doku ináú be tónti be tónti dòmmè, bie nsikòupí betòbè sikou. 5 Kòo kpààti náké Soabu nè Abikaii nè Itaii ke dò: N di báámmu, di báá koute m bire Abusadòmmu dò! Kè behããpòmbè bemouu keè ò ti nàámmè bèè baké.

6 Kè Dafiti kó behããpòmbèe báátí ke bo kote kédokénè Abusadòmmu kòbe, kèpénné kudookòti Efadaimmu kó kutúúkù. 7 Kè Dafiti kó behããpòmbèe na Abusadòmmu kòbe ké bè auté mediè mmómommè de yiè, kè benitibèe duó ketenkè sikoupirísidé (20000). 8 Kè mudòò pitè de kó kutempè mmieke, bèè ku kutúúkù mieke kè bè nsũnè bè kùò bè mudòò mieke.

### *Soabu kùòmè Abusadòmmu*

9 Kè Abusadòmmu nyóó daate kè Dafiti kó behããpòmbè ò dùti kòo sántèe dauté kutúúkù tidabiti mieke, kòò yuu sake tidabiti kè tesántèe pèèté kòo nsake dendè ke núú. 10 Kè Dafiti kó behããpòmbè kóò mòu ò yà kékote kénáké Soabu

ke d̀̀: N yà Abusad̀̀mmu k̀̀ò s̄̀ēk̀̀e mutie mam̀̀u.

<sup>11</sup> K̀̀e Soabu d̀̀: A m̀e nh̀ò yà k̀̀e d̀̀e ȳ̀ime, a p̄̀anke na nh̀ò potém̀̀e ke k̀̀uò! N na nda cu m̀edít̄̀ibii ntep̄̀ít̀̀e nte ǹ̀e fenaàk̀̀nf̀̀e.

<sup>12</sup> K̀̀e kuhã̀p̀̀nk̀̀u ò t̀̀ḗǹe ke d̀̀: Bá k̀̀a n duó m̀edít̄̀ibii ntekò̀up̄̀ít̀̀e (1000) m b́́áá yie nk̀̀ek̀̀ute okpà̀àt̀̀i k̀̀ó dapà̀à. Ti do yomu tim̀̀u ò di náámm̀̀e f̄̀́ nǹ̀e Abikaii ǹ̀e Itaii ke tú: N di báámmu di báá káá́k̀̀e m bire Abusad̀̀mmu. <sup>13</sup> K̀̀e n do nh̀ò k̀̀uò bá ke sout̀̀e ke tú n yí k̀̀è, okpà̀àt̀̀i yó m bant̀̀emu, bá f̄̀́ nha mómmuò nha t̀̀ḗnke bá n kónǹ̀e.

<sup>14</sup> K̀̀e Soabu d̀̀: N díít̄̀i ba mmáà a bor̀̀e!

K̀̀e Soabuu túót̀̀e ikpã̀mb̀̀ok̀̀e itã̀ati k̀̀ek̀̀ote k̀̀e ì kũũ o pík̀̀u o dinni berí nd̀̀e, ke s̄̀́ nh̀ò kpaá f̀̀òu ke s̄̀̀ēk̀̀e titieti miēke. <sup>15</sup> K̀̀e Soabu ã̀p̀̀mb̀̀e tep̄̀ít̀̀e b̀̀è tau o kpà̀r̀̀inenti k̀̀e b̀̀e munǹ̀ení k̀̀óò d̀̀e.

<sup>16</sup> K̀̀e Soabuu eé ditã̀teheù, k̀̀edúó nk̀̀e b̀̀e yóu mudoò ke yóu b̀̀e bo mbetim̀̀e Abusad̀̀mmu kó behã̀p̀̀mb̀̀e. <sup>17</sup> K̀̀e b̀̀e túót̀̀e Abusad̀̀mmu k̀̀edootóo dif̀̀òt̄̀irì marì miēke kutúú́k̀̀u cuok̀̀e, k̀̀óò yàà nyetã̀r̀̀e k̀̀e d̀̀e naá nditã̀t̀̀enkou. De m̀̀nni k̀̀e Abusad̀̀mmu ã̀p̀̀mb̀̀e cok̀̀u bemáà bemáà ke kũũ mbe c̄̀ḗ.

<sup>18</sup> Abusad̀̀mmu do kpaá f̀̀òu ke cónǹ̀e ditã̀rì marì ndi dibòrì marì b̀̀e tu di okpà̀àt̀̀i kó kubiriku, k̀̀e ndi commu ke náá nke tú ò í m̀̀ake debire d̀̀è bo s̄̀òt̀̀e o yèt̄̀irì, ke yú de kó ditã̀rì ò yèt̄̀irì. D̀̀e te k̀̀ò cónǹ̀e de kó ditã̀rì dii bo nte k̀̀e b̀̀e ndenniní o kp̄̀éi nk̀̀e di yu o yèt̄̀irì, k̀̀e b̀̀e kpaá m̀e ndi yu ǹ̀e yíenní, ke tú Abusad̀̀mmu tã̀rì.

*B̀̀e nàk̀̀ém̀̀e Dafiti o bire kũũ*

19 Kɛ Sadɔki birɛ Ayimasi náké Soabu ke dò: Yóu kɛ n coké kénáké okpààti Kuyie nhò kònnémè koò pàtɛnɛ o dootitɔbè. 20 Kɛ Soabuu yetɛ ke dò: A yóó ò náké tì yíe ntì í yóó ò narikɛ. Yóu a bo ò náké titɛti matì diyíè mari, o birɛ kũũ mmu yíe.

21 Kɛ Soabuu náké o kó kudaakù Etiopii eì kou ke dò: Kɛtɛ kénáké okpààti a yà dè!

Kɛ kudaakùu nínkóo o ìkè kédeè kékété. 22 Kɛ Ayimasi baa nyetíróo ke tú: M baa dɔ kékɛtemu, yóu kɛ n tũnne Etiopii kou, bá kɛ dè bo ndòmmè, dè mme ndò. Kɛ Soabu dò: Ba nte kàa dɔ kékɛtɛ? M birɛ ò í yóó da duó nticuuti matì de kpéí. 23 Kɛ Ayimasi dò: Kɛ dè bo ndòmmè n dɔ kékɛtemu. Kɛ Soabu dò: Kɛtɛ!

Kɛ Ayimasi coké káyè Suditɛɛ biriku kédiénnè Etiopii kou.

24 Kɛ sɔ nDafiti bo diheì kó dibòrì nè ditowàa kperi de cuokè kòo bàrì kàrì kuduotí ìnkè ke paké medétimè. Kɛ nyóó daate káyà onitì mǎu omáa kòo cootíní. 25 Kòo pīéké kénáké okpààti, kòo dò: Kòo bo omáa ò tɔ tináaɛsààti nti.

Kɛ de yiè mmə nke tóntɛní. 26 Kòo bàrìi yà otòu mǎu kòo kèríní kòo béi nke dò: Nte otòu mǎu ke cootíní ke bo omáa. Kòo kpààti dò: Ó múnke tɔ tináaɛsààti nti.

27 Kòo bàrìi yíe ke dò: M bantému oketiwè kó muceé, Sadɔki birɛ Ayimasi nwe. Kòo kpààti dò: Onitisààwè nwe, ò bo ntɔní tináaɛsààti nti.

28 Kɛ Ayimasi tuakení kénáké okpààti ke dò: Demǎu dè wennimu kédò kénínkú késínnə okpààti ìkè, ke dò: Tì Yiè nKuyie nha tũ nkù yètìrì ndeu! Kuù duó nkàa na bèè do dɔ a kòu. 29 Kòo kpààti dò: Odapàa nhAbusadəmmu kǎntì naataa?

Kè Ayimasi d̀̀: Soabu do yóó ti t̄̀ nd̀̀ m̀̀nǹ̀ mí nǹ̀ a kóo t̄̀nt̀̀ t̀̀u k̀̀ n yomu kunòòroo, m me nǹ̀ í yé m̀̀u d̀̀òr̀̀. <sup>30</sup> Kòo kp̀̀àt̀̀ d̀̀: Íté, a né báá dété.

Kè Ayimasi f̀̀ute k̀̀nk̀̀mm̀̀. <sup>31</sup> Kè Etiopii kouu tuakeni ke d̀̀: Okp̀̀àt̀̀ n da t̄̀ǹ tináaasàt̀̀ nti. Ti Yiè nKuyie n da k̀̀nǹ̀mu yíe nke da deeténè a dootit̀̀bè. <sup>32</sup> Kòo kp̀̀àt̀̀ d̀̀: Kè n kóo dap̀̀à nhAbusad̀̀mmu k̀̀nt̀̀ naataà? Kè Etiopii kou d̀̀: Bèè kó dim̀̀à dóǹ̀ n yiè nhokp̀̀àt̀̀ meyei nd̀̀e bè d̀̀ò bè d̀̀òmm̀̀ de kóo dap̀̀à.

## 19

### *Dafiti kuòmmè o bire Abusad̀̀mmu kp̀̀í*

<sup>1</sup> De m̀̀nǹ̀ kòo kp̀̀àt̀̀ yèmm̀̀e caàr̀̀e mediè nkòò ta kudieku k̀̀u b̀̀o dihè kó kuduot̀̀ dibòr̀̀ ìnk̀̀ k̀̀nk̀̀rí ke k̀̀nt̀̀ ke tú: Áú yoo! Áú yoo! M bire Abusad̀̀mmu. M bire Abusad̀̀mmu! Kè m̀̀i do nku d̀̀ nt̄̀ũ. Áú yoo! M bire Abusad̀̀mmu. M bire!

<sup>2</sup> Kè bèe náké Soabu ke d̀̀: Dafiti kuòmmu Abusad̀̀mmu kp̀̀í nke í d́́o k̀̀c̀f̀é́k̀é. <sup>3</sup> Diwè̀ d̀̀i do bè bo bè nam̀̀ be dootit̀̀bè, k̀̀ d̀̀ né naá ndidabònǹ̀ Isidayeriibe b̄emou kp̀̀í nde yiè, ke yé benit̀̀bè b̄emou do k̀̀èmm̀̀ okp̀̀àt̀̀ yèmm̀̀e caàr̀̀em̀̀e o bire Abusad̀̀mmu kp̀̀í. <sup>4</sup> Kè Isidayeriibe konǹ̀i de yiè dis̀̀r̀̀ k̀̀ndònǹ̀ be dootit̀̀bè bè na, k̀̀ bè k̀̀nt̀̀nǹ̀ nè ifei, <sup>5</sup> kòo kp̀̀àt̀̀ k̀̀nk̀̀é o ìk̀̀e kuyààk̀̀, ke ti didabònǹ̀ ke tú: Áú yoo! M bire Abusad̀̀mmu. M bire!

<sup>6</sup> Kè Soabuu k̄ate k̄éyà okp̀̀àt̀̀ o dieku mièke kóò náké ke d̀̀: A ã̀ ã̀ ã̀p̀̀mbè mbe ifei, b̄embè bèè deeté a ònǹ̀, nè a bí nè a kó besap̀̀mbè nè a pobè nè a

porĩè nde kpeye. <sup>7</sup> A dó bèè da ní mberìbe ke ní mbèè da dó, a benkemu yíe nke dò nha kpeti í bonè bèè baké a ããpòmbè nè a kó betōmbè. M bantému yíe nke dò mbá kè ti do nku timou kè Abusadōmmu nkpaá deè na nda naati. <sup>8</sup> N da náámmu, cĩéké kékote káyáúkūnne behããpòmbè kònti, kàa í kòte òmòu ténke í yóó nda bonè, bemou bè bo ciété ke nyènkè. Kè dè né dake da yonkenè kéréèté dè mè ndòmmè kéréèté a yà mèè yei nnè bè da peitémè.

<sup>9</sup> Kòo kpààtì íté kékote dihei kó dibòrì kénkari kè bèe náké benitibè ke dò: Okpààtì kàri dihei kó dibòrì. Kè bè ñkòròo o borè.

### *Bè duómme kè Dafitii wētení*

De mōnni kè só Abusadōmmu ããpòmbèe coké kékūū mbe cēĩ. <sup>10</sup> Isidayeribe kó ibotí imou mièke kè benitibèe keté kénséi mbetòbè ke tú: Okpààtì Dafiti wèè do ti deeténè ti dootitòbè ke ti fiète Fidisitēēbe nou mièke, wèè coké Abusadōmmu ke yè dihei. <sup>11</sup> Nte wèè Abusadōmmu ti do pī nwè tikpàti ke ku mudoò mièke. Ti ténke baa ba? Ti duónnè kòo kpààtì Dafitii konní.

<sup>12</sup> Kè Dafitii keè Isidayeribe nàá ntì, kētō nkè bèe náké ikuó niùbè Sadaki nè Abiataa kè bè bo beké Suda naàmùnkù kó bekótíbè ke dò: Dè yīmè, kè dūi yó ntú besōmbe bèè tu bèe yuní okpààtì? <sup>13</sup> Di tú n tebíi nsi kè ti wē nti yō miè. Dè yīme kè dūi yó ntú bedentibè bèè dó n wētīmù? <sup>14</sup> Kòo yíe ke dò: Kè di dèè di kote kénáké Amasa ke dò n yē nhò tu n tebite nte, kè ti wē nti yō miè, kòò í còuté Soabu fòtìrì ke baké behããpòmbè, Kuyie nní mpoté.

15 Kè Sudaa kàbèe yie nDafiti bè nàké tì kèwènné bémou dinùù dìmàà ke dò: Okpààti wètení diè nnè a tǎmbè bémou.

### *Dafiti coommè Simèii*

16 Mèmmè kòo kpààtìi íté kénkūnti, ké nyóó tuakoo Suditèè, ke sǎ nSudaa kàbè kàtení Kidikaadi ke bo ò co kóò teennè kòo sénté. 17 Kè Simèii Keda bire Bensamèe botíkou, wèè bonní Baudimmu, kòo íté mecāã nké bè neiné kénkārì kè bo co okpààti.

18 Kè neiné Bensamèe kàbè tekoupiítè (1000) nè Sibaa wèè do pǐ nSauri cǐtè mutǎmmú nè o bí tepíitè nè ìnùmmù nè o tǎmbè sipísidè kè bè bo kàte mecāã nSuditèè kéco okpààti. 19 Bè sée ndìi mǎnnì o cǐtè kàbè nè kudabekù kédòò ò dómè.

Okpààti senti dii mǎnnì kè Sebaa bire Simèii nínkóo o ìkè, 20 kòò nàké ke dò: N yìè nhokpààti, a bá n ténne n yei. Báá dentení a kóo tǎnti do da dǎò mèè yei nha iti dii mǎnnì Sedisademmu, okpààti bá ntì ã a mièke. 21 Okpààti n yému ke dò n do da cààrè, ke me n niiténni yíe nyIsidayeribe sǎmbè ke bo da co.

22 Kè Abikaii Seduya bire nàké okpààti ke dò: Dèè bá nte kè ti yóu ti bo kuòmè Simèii wèè do buò nkusǐnkù okpààti ti Yìè nKuyie ntǎátè wè.

23 Kè Dafitii nàké Abikaii nè o tebite Soabu ke dò: Di kpeti tú ba de mièke Seduya bí díndi? Dè dǎmmè kè di dǎ tí nenni, n yí dǎ n cǎú dii yìè tikpàti bèe kuò Isidayeribe kóo mǎu, we nyí yé yíe nke dǎ mmù tu Isidayeribe kóo kpààti?

24 Kòo kpààtìi nàké Simèii ke dò: Bè í yóó da kuò, mǐi bǐi.

### *Mefboseti wète ke taunnèmè okpààti*

25 De kó dimònnì kè Sauri yaàbire Mefiboseti múnke kate ke bo co okpààti, kétúóté okpààti ité dii yiè Sedisadɛmmu kétuakènè de yiè, ò do í kuó o deènfè, ò me ndo í òúté o naàcèi yoo o yaàti kòo kpààti yaà koñnènní kukòhnaatí. 26 Ò tùkoo dii mònnì okpààti borè kòo ò beke ke dò: Mefiboseti de sòò yíme kàa í nni neinè? 27 Kòò dò: Okpààti n kóo tǎnti weè sòò n souté, n sòò námmu ke tú: N yí mè nnòmmè mucèmmu yóu kè m bou sãmmarímú kédeke kénéinè okpààti. 28 Kòo katoò kécake n yètiri a borè, n yiè nhokpààti a í cáánnè Kuyie ntǎnni, dǎò a dómè. 29 N yaàri Sauri cǐtètè kabe bemou do dò nha bè kùòmu nè memme kàa n dǎò mesàà nke n wènnénè bèè dò nkényo nha borè. N ténke bo da beke ba? 30 Kòo kpààti dò: Dè wenni a nàké kè dè sànnèmu, n tǎātèmu ke tú fǎ nnè Sibaa dū yóó toté Sauri tenkè. 31 Kè Mefiboseti dò: Sibaa bo na kétúóté demou. N yiè nha cénke mè nkonnímè nè kukòhnaatí.

### *Dafiti cumè Badisidaii*

32 Kadaadi tempè Edokedimmu èi kou Badisidaii múnke do ciemmu okpààti késée nSuditèè ke né na kékpénté. 33 Odakóti do nwe mesàà nke mǎke yebie nsipísini, ke mǎke o kperɛ mediè. Okpààti do bo dii mònnì Maanaimmu kòo nhò pǐ nkè dè wennimu. 34 Kòo kpààti ò nàké ke dò: Á n neinè kè ti kò nSedisadɛmmu kè nní ndake a kpéi. 35 Kè Badisidaii nàké okpààti ke dò: M bie nkpaá yède kè m bo benné ke da neinè Sedisadɛmmu? 36 Yebie nsipísini kóo niti ténke kpaá yé dèè naati nè dèè seèà? M bo na kénsántí tidiiti n yo nti nè menaà n yǎmmàà? N ténke í yo bedèmbè benitidaabè nè benitipòbè kó

metammè. Okpààti m báá benné kényóu kàa nni ntò.  
<sup>37</sup> A kóo tǒnti mí, n dǒ ke da cíe nkésée nkukó nku, n yí mànnè ticuuti tii nketíke. <sup>38</sup> Yóu mí nha kóo tǒnti kè n wète kékú n kàbe borè, kè bè n kǔnné kéréénè n cice nè n yǒ. Né nte a kóo tǒnti Kimmammu, yóu kè weè da neinè, kàa we ndòò a pénsirìmè. <sup>39</sup> Kòo kpààti dǒ: Kimmammu tǔ n kàtení kè ti kò nkè nh ò dǒò a dǒmè. Kàa dǒ tii kó dimàà m bo ti nda dǒò.

<sup>40</sup> Kè ditǐnni dimòuu sénté kukó nkédeè, kòo kpààti sénté kékóunnè Badisidaii kóò pǎ Kuyie nkó mesàà, kòò wète kékò nho cíe.

### *Sudaa kàbe nè Isidayeribe bè pètemè*

<sup>41</sup> Kòo kpààti kàte Kidikaadi ke neínè Kimmammu, kè Sudaa kàbe bemòu nè Isidayeribe dikée ò neínè. <sup>42</sup> Kè bèe ò beke ke dǒ: Dè yǐme kè Sudaa kàbe bèe màà da sée nkukó, timòu kè ti né do da cíenko?

<sup>43</sup> Kè Sudaa kàbee bè tǔnné ke dǒ: Ti tú mèmme kubotí kumàà kàbe, dè di yonke ba nkpréi? Okpààti weè ti piúà? Yáà ò ti cumu dèmarè?

<sup>44</sup> Kè Isidayeribee pǐéké ke dǒ: Ti temu okpààti ke di pǔté kuce epíítè. Bá kòò tu di botí kou tǔ ò te. Di í dǒ nke ti senkèrì memme. Kè dè tu mùmamù tǔ sòò niité kénnaá nke tú: Tǔnnéni okpààti.

Kè Sudaa kàbe kó metammè baa yete kénkpeínìnè Isidayeribe kǒme.

## 20

### *Sebaa yetemè Dafiti kpeti*

<sup>1</sup> Ke sǐ nhonitidǒnniwè mòu bo Kidikaadi, Bensamee botí kou Bikidi bire kòo yètìrì tu Sebaa, kòo eé ditàteheù kérépǐéké ke dǒ:  
 Ti kpeti í bonè Dafiti,

ti í kòké Seseee birɛ kpɛti!

Isidayeeribe bá wè wèe kò nho cīētè.

<sup>2</sup> Kè Isidayeeribe bemouu yóu Dafiti kētūnne Bikidi birɛ Sebaa, kè Sudaa kɔbe beè mǎa nkpaá nè be kóo kpààti kóò neinè Suditēē borè kè bēe kò nSedisademmu.

<sup>3</sup> Okpààti Dafiti tùòke dìi mǎnni o cīētè kédúo nkè bēe yúní o pocīē ntepíítè ò do yóu yè káíté. Kòo yè tannè teēcīētè bè bàa tè, ké nyè duò ntidiiti, ò me nyí nyè duónè, kè yè mbo bekúpobè kōme kè bè nyè kpɛtí kè yè yàa kúnè.

### *Soabu kuomè Amasa*

<sup>4</sup> Kòo kpààti Dafitii náké Amasa ke dò: Tíí nSudaa kó behāāpòmbè yewe yētāāti mieke kè n di yà die.

<sup>5</sup> Kè Amasa kote kédòò okpààti ò nàké ti, ò me nyí nkonní, kòo kpààti Dafiti ò dǎu nyèè we yàa pēēté.

<sup>6</sup> Kòo kpààti Dafitii náké Abikaii ke dò: Bikidi birɛ Sebaa bo ti dǎò mèè yei mbo pēēté Abusademmu kōme. Túóté nkó tihāāpònti kè di ò tūnne kòò mu nyí dēté, kòo yàa bo ta dihei kperì marì kēsari kè tí ò mǎnté.

<sup>7</sup> Soabu kɔbe nè Kedetiibe nè Pediisibe yekōmbò yembè kè bēe yènní kētūnne Abikaii kè bēe íte Sedisademmu kēmbeti Bikidi birɛ Sebaa. <sup>8</sup> Kè bēe kété kēemberinè Kabaōō kó kupèrikù borè, kè Amasa kotení be borè ke sǎ nSoabu dàátí tihāāpònyààti ke yinè o naakōnfè o siè, kēketéní kè dìi kpate kédò.

<sup>9</sup> Kòo dǎu nhAmasa ke dò: A kpeñnaa n népo? Képi nho deēnfè nè o nùtè youte kéndò nhò yóó ò kǎūnnè. <sup>10</sup> Bá Amasa í ndake Soabu tùótémè o siè nè o nùtè cǎnkutè ké di nhò kũũ o pounie mmieke

kè tinautii cóúnní kòo doroo kékú bá bè í nhò yìè kuyẽĩku.

*Bè namè Sebaa*

Soabu nè o nantè Abikaii kè bèe sooté kèmbeti Sebaa. <sup>11</sup> Kè Soabu kó kuhããpònkù makù ñkpaá ocíi borè ke náá nke tú bèè kó dimàà tu Soabu kàbe nè Dafiti kàbe bè ntũ nSoabu.

<sup>12</sup> Ke ś nhocíi kpaá duó kuce cuokè ke mùòti meyiĩ. Kè benitibè bèè keriní kè bè ncommu ke wéí, kè kuhããpònkùu dè yà, kòò füté kètanné dikpáà kupaku makù mieke kóò dàtinné diyaabòrì. <sup>13</sup> De m̀nnì kè tihããpònti nkeriní ke pènkù ke tũũ nSoabu kè bè bèti Bikidi bire Sebaa.

<sup>14</sup> Kè Soabuu pèëté Isidayeribe kó yehèkè yemou kètuàke Abedi-Beti-Maaka kè yehèkè yèè dè t̀ké ye kàbe bemouu íténí kòò tũnne. <sup>15</sup> Soabu nè o kàbe kè bèe c̀tinnè Sebaa ta dùì èì, kédammú mutáá nkéonné diheì kó kuduotí ketikù kéta kéndammù kudéríkù ke bo b̀.

<sup>16</sup> Kè de kó diheì kóò nitipòkù m̀u dè bo ke cii mediè nke péinní ke d̀: Kémmúnè! Nákénè Soabu kòo kàtení, kè m m̀ke timatì nti ke d́ kóò béinnè.

<sup>17</sup> Kè Soabuu t́ónní kòo nitipòkù d̀: F́ Soabu nweà? Kòò d̀: Èè, mínwe. Kòo nitipòkù d̀: Okpààti n d́ ke da náké timatì nti, kénté! Kè Soabu d̀: Béi!

<sup>18</sup> Kòo nitipòkù d̀: Nè ti bomè kè dè dòmmè ti òò yí ti bo beé nhAbèedi nwe kè tináaànti deè. <sup>19</sup> Ti kó diheì í wantinè òm̀u tináaànti Isidayeribe bèè dè bo bè í d́ desintèkperè kàa né d́ kèpònte de kó diheì dimouà? Dì tú Isidayeribe ekè diyè kó dimari ndi. Ba nkpeí nte kàa d́ kèpònte ti Yiè nKuyie nkàbe èì? <sup>20</sup> Kè Soabu d̀: Nè Kuyie, n yí d́ kèpònte diheì yoo n dì cààrè. <sup>21</sup> N wanti onitì òm̀aà ndi wèè yènní

yetārè ìnkè kó kutempè mmièke, Efadaimmu botí kou Bikidi birè Sebaa wèè dó kébò nhokpààtì. N duónnè we omáà kè n yóu dihéì. Kòo nitipòkù dò: Dè wenni ti bo dooténí o yuu kuduotí.

<sup>22</sup> Kòo nitipòkùu wētoò kénáké o kàbe itié nsààyi, kè bèe féuté Sebaa kédooténí Soabu o yuu kuduotí. Kòo eé ditāteheù kè behāāpòmbèe yóu dihéì kékíté kékūũ mbè cēĩ. Soabu mómumuò nkòo wēte okpààtì borè Sedisademmu.

### *Dafiti kó betūmbè yètè*

<sup>23</sup> Soabu weè do baké Isidayeribe kó behāāpòmbè beməu, kè Yoyadaa birè Bennaya baké Kedetiibe nè Pedesiibe. <sup>24</sup> Kè Adodammu baké benuntōmbè bè pīñné bè mutōmmú. Kè Aidudi birè Yosafati ntú wèè tə dihéì kó yepáte. <sup>25</sup> Kè Sewaa tu opátíwāàtì, Sadaki nè Abiataa kè bè tu ikuó nìùbè. <sup>26</sup> Kè Yaii yaàbire Idaa múnke tú ikuó nìùtì ke bonè Dafiti.

## 21

### *Kabaoniibe nè Sauri yaàbí be kó tináàntì*

<sup>1</sup> Dafiti kó tikpàtì mièke kè dikònnì marìi tanní ke dò yebie nyètāātì. Kè Dafitii beé nti Yìè nKuyie nkè kùu ò tēñné ke dò: Dè di tùòkení, Sauri nè o cīètè bè tu mēè kpéí nke benitikòùbè ke kùò Kabaoniibe.

<sup>2</sup> Kè okpààtì Dafitii yú Kabaoniibe ke bo bè nàké. Bè do í tú Isidayeribe, Aməriibe bèè do sùò bèmbè, kè Isidayeribe dò bè í yóó bè kùò. Nè memme kè Sauri ndó ké bè kùò ò dó mēè kpéí nkénkánké Isidayeribe nè Sudaa kàbe meyi. <sup>3</sup> Kè Dafitii beke Kabaoniibe ke dò: N do nkédòò ba di kpéí? M bo

yĩme meyei mmèè di do kè mèè nóté di ñnkè, kè di pã ti Yiè nKuyie nkòbe mesàà?

<sup>4</sup> Kè Kabaoniibe ò tēñné ke dò: Ti kó dipèi tínti nè Sauri cīētē í yóo yietí nè idíítí yoo nè mesəə nyoo ti kuə Isidayeribe mieke òmòu. Kè Dafiti dò: N nákéne di dó ti, kè n yóo ti dòòmu.

<sup>5</sup> Kè bè dò: Sauri do dó ke tí deemu bá ti kou mòu bá nkpaá Isidayeribe tenkè mieke. <sup>6</sup> Ti duónnè benitibè beyiekè Sauri yaábí mieke kè ti bè nùnné okpààti ti Yiè nKuyie ntāāté wè èi, Kibea, kè Kuyie nyà. Kòo kpààti dò n yóo bè ndi duómmu.

<sup>7</sup> Kè Dafitii coo nSauri bire Sonnatāā bire Mefiboseti ò do dōúnnè mēè kpéi nho népo Sonnatāā dinùu ke yú ti Yiè nKuyie nyètiri. <sup>8</sup> Ke duó nkè bèe yúní Adimōnni nè Mefiboseti Disipaa Aya kóo sapàà mbí idé ò do peiténè ì Sauri, nè Sauri kóo sapàà mmòu kó inítidabí ìnùmmù ò do peiténè ì Badisidaii bire Adidiedi Abedi-Meodaa èi kou. <sup>9</sup> Kòo bè duó nKabaoniibe kè bèe bè nùnné kè bèe kú bemou beyiekè ti Yiè nKuyie nyìkè. Bè do yóo bè kùu ke ś mbè ketírí mudidèi mmu.

<sup>10</sup> Kè Disipaa Aya kóo sapàà ntúóté kufòòtònkù képité dipèri ñnkè ke nde mbo, kétúóté mudidèi ketírí dii mōnni kétuòkenè fetaafe bo domè ke bè ni. Kòo ní ntũũ nke bè bàa tinòti kényié nke bè bàa tikpasĩnti.

<sup>11</sup> Memme kè bèe náké Dafiti Disipaa Sauri pocēnni Aya bire dòò dè. <sup>12</sup> Kòo kate Kadaadi tempē Yabesi èi kòbe borè kécouté Sauri nè Sonnatāā be kũò. Ke yé Fidisitēēbe do na dii mōnni Sauri Kidiboa èi kè bè kùumu wenwe nè Sonnatāā Beti-Seā tentēmbii kēsaa nkè Yabesi èi kòbee sari kè bè tùóté. <sup>13</sup> Kè Dafitii túóté Yabesi èi Sauri nè Sonnatāā

be kũḽ, kətíí mbetɔ̀bè bè múnke kùḽ bè ke sàà mbe kpeye, <sup>14</sup> kòo bè wēnné kékūnné Sauri cice Kiisi fōti Sedaa eì Bensamεε tempē mieke.

Bè dḽḽ dīi mḽnni okpààti yē mmù kédeè kè ti Yiè nKuyie mmiekεε do.

*Isidayɛeribe wēte kédokénèmè Fidisitēēbe  
(1 Bekpààtìbè tǎmmú 20:4-8)*

<sup>15</sup> Kè mudoò wēte kéǎnné Isidayɛeribe nè Fidisitēēbe be cuokè. Dafiti nè o kɔ̀be kè bè ndokùnè Fidisitēēbe kòo ɔ̀u. <sup>16</sup> Kè Benɔ̀di Adafaa yaàbire nnáá nke tú ò bo kuɔ̀ Dafiti, ke báátí disìè pànni kòo kpāmbii ntú disɔ̀wũḽ kè me cēékù bo cidóò bètāāti. <sup>17</sup> Kè Abikaii Seduya birεε teennè Dafiti kēpoté Fidisitēē kékua. De mḽnni kè behāāpòmbèe yete ke dḽ: Dafiti bá mbè niènnè mudoò, weè tu Isidayɛeribe kó femūnfè bè me nyí dḽ fe kó muhāá nkú.

<sup>18</sup> Kè dēe yíe kè mudoò tēmùu wēte kéǎnné Isidayɛeribe nè Fidisitēēbe be cuokè Kɔ̀bu tempē. Muù mieke nke Sibekaii Usaa eì kou kùḽmè Safu Adaa yaàbire terè. <sup>19</sup> Kè mudoò tēmùu wēte ke yíe ānné Kɔ̀bu tempē mmiekεε bake kè Yadi Betideεmmu tempē kou bire Edananni kuɔ̀ Kodiyati tḽu mḽu Katì eì kou, kòo kpānni kó kudḽú cēékù mǎnnè kuyaàdùḽḽ. <sup>20</sup> Kè mudoò tēmùu wēte kéǎnné Katì, Isidayɛeribe dootitɔ̀bè mieke kè kuhāāpònkù makù mbo ke nḽ ndikpànni mediè. Ke mḽke inómbí ikuḽ o nḽu nè o naàcèi, imḽu kè ù wēnné sipísidé nè inàà. Adafaa kó deyaàbire marè tó nde. <sup>21</sup> Kòò nsáá nyIsidayɛeribe, kè Dafiti tǎū Samma bire Yonnatǎā ò kùḽ.



10 Kè kùu kpéú ntiwetì kécúténí,  
kéncutiní kè na yewetisùò.

11 Kè deke oĩnkèmbàri, kè puù,  
kémputì kuyaaakù miεke.

12 Kè dibiinnì kù fité  
kè yewetè dieyè kù cèète  
kè dè sòu kè dò ndibinni cūmpuri.

13 Kè kuwenniku diekù yìèní ku ìkè  
Kè ihããpémperí yìè.

14 Kè ti Yiè nKuyie mpèú metammè,  
Kuyie nkùù baké keĩnkè nè ketenkè kè kù pèú  
metammè

15 Kè fetaafe nwéí tipùtì timou kè bè sàrì  
kè Kuyie ntãũ ku pie ntipùtì timou kè bè cíe.

16 Kè kùu pee kè dàméèrì fũò feité,  
kè kùu wei kè ketenkè miεkeε feité.

17 Kè kùu youtení ku nòutè keĩnkè,  
ké n yũó mmenie mmiεke kédennení.

18 Kuù n deerínè n dootitòbè,  
nè n sĩmbè bèè wèrímú pèèté n kōmu.

19 N do bo mesémmè miεke nke kè bè n cèète.  
Kè ti Yiè nKuyie mme nní nni mbonè.

20 Kè n dènnení difòtìrì miεke,  
kè nh òmpùnne kù n dó mèè kpéí.

21 Ti Yiè nKuyie nni nyietí n dōori mèmme dèè siè  
N wennimu kè kù n yietí mesàà.

22 N tūmmu ti Yiè nKuyie nkó kuce,  
n yí yete ku kpèti matì.

23 N yí yete ku kuó mai,  
m me n yí yete ku tannùù marì.

24 N dōorimu kù dómè.

N dakemu n yàà bo yeté mɛ̀è kpéí.

25 Ti Yiè nKuyie nni nyietí n wetí kè dè mamè mme, n wennimu kè kù n yietí mesàà.

26 Ti Yiè nKuyie nwèè da dɔ̀ari dèè wenni, a we ndɔ̀ari dèè wenni.

Wèè tu onìti mómumu a we ndɔ̀ari timómumanti.

27 Kè wèè dò mpáíí, á ãã ò benkemu amáá paíí.

Kòò tu onìti ciìnti a nyé a bo ò yĩmè.

28 F́óó dɛeri besénnibè

f́óó ãã wénté sifeí yembè ke bèe kèke

29 N Yiè nf́óó tu n fitírè,

f́óó m mí dibìnni mièke.

30 F́óó te kè n do n dootitòbè.

F́óó te kè n sènté kuduotí.

31 Kuyie nkó kuce dò mpáíí nwe,

kè ku náaantì tu timómumanti,

kè kù dò nkudɔ̀pikù ke kánkù bèè sàri ku borè.

32 We ntu Kuyie nkè dè í tú f́ó nti Yiè.

We ntu ti kó dipèrì dìi ti kánké kè dè í tú f́ó nKuyie.

33 Kuyie nkuù tu n kó tɛɛkpetè,

kuù wènkùngo n ce.

34 Kuù kpénkùngo n tààke tɛhontè kpɛyi kōme.

Kuù te kè n còmú ditenni ìnkè.

35 Kuù m benkú dikpànni,

ke n teennè kè n nɔ nke yũã ndisɔ̀wũð kó mutãmmù.

36 N Yiè nha nùtè youte tɛè n tɔ,

ke n kánké kudɔ̀pikù kōme, ke n dɛeri,

nh ãã da yú kàa yiemmu ke n kpénkùnne.

37 F́óó te kè n kèrí mɛcãã,

bá n tààke í seití.

38 M bèti n dootitɔ̀bè mbe ke bè nìnte,  
kè n yí bè kùò bəmou m báá wěte.

39 M bè kèété kéétému kè bè còú,  
kè m bè nàù bè báá na kéíté, m bè namu.

40 Kuù n duò mmukpà̀rìwě́rímú,  
ke te kè n dootitɔ̀bè m bòúté.

41 Fṣṣè te kè n dootitɔ̀bè b̀tínne ke coké,  
kè nh auté n s̀mbè ke bè k̀ù.

42 Kè bè kuò mbá òm̀òú í bè teénne,  
kè bè kuònnè ti Yiè nKuyie mbá k̀ù í bè còú.

43 M bè nàntemu kè bè naá nkutã̀yukú,  
kè m bè nàù kuce kó tisã̀sà̀tì k̀m.

44 Kuù n deeténè m botí k̀be bèè yete n kpeti,  
ke n nií nyibotí ì̀kè,

kè kubotí n yí yé k̀ù naá n kó tidaatì.

45 Kè bep̀ò̀bè n sã̀ntí,  
kè m béi mmè̀máà bèe yie n kpeti,

46 Bè c̀ttemu ke kpeutí,  
ke yièní be s̀rè mieke.

47 N Yiè nKuyie mbomu, kuù tu n kó dipèrì,  
ndéúk̀unkonè ku yètìrì, kuù tu n deetíwè.

48 Kuyie nkuù m pèiri,  
ke te kè ibotí m bòúté.

49 Kuù n deerínè n dootitɔ̀bè,  
ke te kè n nò n dootitɔ̀bè,  
ke n deerínè benitiyonkubè.

50 Deè kpéi nte kè n yó nkù sã̀ntí ibotí cuokè,  
kéndiè nke déúk̀unko ku yètìrì.

51 Kuù deerí ku kóo kpà̀tì k̀ù tã̀tè wè,  
koò d̀ò̀rì mesàà,  
kuù d̀ò̀rì mesàà nDafiti nè o yaàbío sáà.



<sup>8</sup> Nte Dafiti ããpòmbè yekõmbò yembè kó yeyètè: Oketiwè kperi tú Isebaadi Akimaniibe kou, weè do baké behããpòmbè kó ditĩnni. Weè do kùò benitibè sikousini (800) dimònni òimáà.

<sup>9</sup> O kó difõnkúò kè Aoa bire Dodo kó debire Edeasaa nhò pòkoo. Yekõmbò yembè bètããti kòò m̀òu nwe weè do neínè Dafiti Fidisitẽẽbe bè dintémè kè Isidayeeribee bóti. <sup>10</sup> Kè Edasaa ncómmú kèbaao Fidisitẽẽbe ke pikú o siè kòò ǹòutè yàa tãté kòò sonnè ké ndi pikú. Kè ti Yiè nKuyie nduó nkè Isidayeeribe na be dootitòbè mediè ndè yiè. Kè behããpòmbè tòbèe wẽtení ké m̀ bè tũ nke eiti máà.

<sup>11</sup> O kó difõnkúò kè Adaa kou Akee bire Samaa mbè pòkoo. Fidisitẽẽbe do tí ndi m̀ònni Deii itũ mài kó kupaku borè kè Isidayeeribee coké. <sup>12</sup> Kè Samaa cómmú kèbaao, kè ti Yiè nKuyie nduó nkòò poté Fidisitẽẽbe kèkuò. Kè Isidayeeribee bè na mediè.

<sup>13</sup> Diyie mari mudidèi m̀ònni kè benitibè bètããtii yènni behããpònsàndèèbè tĩnni mieke, kékòte kèyà Dafiti Adudammu tãdènkù mieke, ke yé Fidisitẽẽbe do bàtémè Defaii biriku. <sup>14</sup> Kè Dafiti m̀bo o s̀òrì, kè Fidisitẽẽbe bo Betideemmu. <sup>15</sup> Kè Dafitii d̀òke Betideemmu kó menie, ke d̀ò: We m̀bo kòte Betideemmu tebinte t̀èè bo dihèi b̀òrì ke ǹ d̀ònni kè ǹ yà?

<sup>16</sup> Kè behããpòmbè yekõmbò yembè bètããtii ité kékèté Fidisitẽẽbe cuokè bè k̀ari dè, kékòte Betideemmu kó tebinte kédònni menie nkékòtènni kòò duó, ò me nyi nyie nké mè yà, ké mè pã Kuyie nkécóúnko ketenke <sup>17</sup> ke d̀ò: N Yiè nKuyie, m̀ báá yà de kó menie, mè d̀ònnè benitibè bèè duó m̀be fòmmu ke kòte ke donni de kó menie m̀be kó meyi m̀me.

Ò í nyie nké mè yà.

Behããpòmbè yekõmbò yembè bètããti beè do pĩ nde kó mutõmmú.

<sup>18</sup> Kè Seduyaa birɛ Abikaii, Soabu nantè mbaké behããpòmbè sipísitàãti tĩnni. Weè do kùònè o kpãnni o dootitòbè sikòusitàãti (300). Mɛ̀m̀m̀e kòo yètìrìi feité behããpòmbè sipísitàãti miɛke. <sup>19</sup> Kòo naá nhodiɛwè be cuokè, ké bè baaté, ò mɛ nné í nna kémaatenè bètããti tĩnni kòbe bembɛ.

<sup>20</sup> Yoyadaa birɛ Bennaya Kabusɛɛdi èi kou, ohããpònkperì m̀òu kó dɛbirɛ, kòò kpa nkéna o dootitòbè mediè. Weè do kùò Adiyɛɛdi bí idé M̀òabu èi kòbe. Weè do ta yɛcìrìcìrè f̀t̀t̀rìrì nè muséé nkékuò dicìrìcìrì. <sup>21</sup> Weè m̀únke do kùò Esibiti kòbe kóo nitikperì m̀òu, ke ś nkòò t̀ò dikpãnni kòò k̀atenko kupààti ké dì fiètɛ kóò kùònè. <sup>22</sup> Bennaya do kpa ndii kpãnni kèpété diyètìrì sipísitàãti kòbe tĩnni miɛke. <sup>23</sup> Kòo yètìrìi feité mediè nsipísitàãti kòbe tĩnni miɛke, ò mɛ nyí nna ke t̀ù̀kè bètããti tĩnni kòbe. Kè Dafitii ò tãáté kòò mbaké tihããpònti t̀ì ò bàa.

<sup>24</sup> Sipísitàãti tĩnni kòbe do tú: Asayɛɛdi Soabu nantè nè Dodo Bɛtideɛmmu èi kou birɛ Edananni. <sup>25</sup> Nè Samaa nè Edikaa Adodi èi kòbe. <sup>26</sup> Edesi Pedeti èi kou Ikesi birɛ Idaa Tekoa èi kou. <sup>27</sup> Abiesɛɛ Anatòti èi kou nè Mɛbunnaii Usaa èi kou. <sup>28</sup> Sadim̀ò Aoa èi kou nè Madaii Nɛtofaa èi kou. <sup>29</sup> Baana birɛ Eɛbu Nɛtofaa èi kou tóke nè Dibaii birɛ Itaii Kibeaa èi kou, Bɛnsamɛɛ tempɛ miɛke. <sup>30</sup> Nè Bennaya Pidatõõ èi kou nè Itaii Kaasi èi kou. <sup>31</sup> Nè Abi-Adiǹò Bɛti-Adaba èi kou nè Asimafeti Baudimmu èi kou. <sup>32</sup> Ediaba Sadim̀ò èi kou, Yasenni bí kó d̀ɛ̀marè, kè dɛ yètìrì tu Yonnatãã. <sup>33</sup> Samaa Adaa èi

kou nè Sadadi bire Aiyammu Adaa èi kou. <sup>34</sup> Nè Edifedee Akasibaii bire Maaka èi kou nè Aitofeedi Kido èi kou bire Ediyammu. <sup>35</sup> Esidaii Kadimeedi èi kou nè Padaii Adabu èi kou, <sup>36</sup> nè Natãã bire Ikadi Tisoba èi kou nè Bani Kadi naàmùnkù kou. <sup>37</sup> Sedeki Amõniibe botí kou nè Nadaii Bedõti èi kou wèè do tãu Seduya bire Soabu kpàrinenti, <sup>38</sup> nè Idaa Yetee naàmùnkù kou nè Kaarebu, tãè cĩètè temàà kou. <sup>39</sup> Nè Udii Itiibe botí kou, kè bèe wënné bemõu sipisitàati nè bèyiekè.

## 24

*Dafiti kàammè Isidayeribe kè ti Yiè nKuyie mmieke bè peike*

*(Wénté 1 Bekpàatibè tõmmú 21:1-6)*

<sup>1</sup> Diyie mari kè ti Yiè nKuyie mmiekee yènni Isidayeribe, kè kùu nampè Dafiti yèmmè kòo dõ dèè yóo bè tóni meyei, kòo dò bèe kaa nyIsidayeribe nè Suda kabe. <sup>2</sup> Kòo náké behããpõmbè kóo kóti Soabu wèè ò bonè ke dõ: Ce nyIsidayeribe tenkè kemou kékaa mbenitidaabè n dó kényé bè màmmè mme.

<sup>3</sup> Kè Soabuu ò tènné ke dõ: Okpàati n dómu ti Yiè nKuyie nduó nkè Isidayeribe sũ nképèèté mie nkuce tekòutè (100), kàa bè yà nè a nònfè. Dè né dòmmè kàa dó kèpĩ nde kó mutõmmú botí?

<sup>4</sup> Kòo kpàati baa mpĩ nho béi nti Soabu nè behããpõmbè iwẽi yembè tabè. Kè bèe yóu kédõò okpàati yèmmè, kèítè o cĩètè kékote benitibè kàmmù, <sup>5</sup> kèsénté Suditèè kèketé Adowee èi dìi bo Kadi kó kubiriku cuokè, kédeè kékote Yasee. <sup>6</sup> Kè bèe ta Kadaadi kèpèèté kékote Itiibe èi Kadeesi nè Tãã-Yaani nè de kó sihekési nè Sitõõ, <sup>7</sup> kèpèèté kékote Tiiri kó

dihèi kperì kuduotí fité dì, Itiibe nè Kannahãã kòbe do te yè, kéréẽté kétuòke Beerisebaa Sudaa tempè nkubakù cãnkú bíékè. <sup>8</sup> Bè dèè dìi mònñi be tenkè kemou kéwète Sedisademmu ke s̄́ ndè mòke betããbè bèwèi nè yewe sipísidé nè bè ketémè mukàmmù. <sup>9</sup> Kè Soabuu náké okpààti bè kàa nyIsidayeeribe kó behããpòmbè kè bè mààmè sikòupíkòùsini (800000), Sudaa kòbe sikòupíkòùsìnùmmù (500000).

*Kuyie mpotémè Dafiti ò kàa mmèè kpéi mbenitibè  
(Wénté 1 Bekpààtibè tōmmú 21:7-17)*

<sup>10</sup> Kè Dafitii banté ò cààrèmè kòo kãmbùàtiti do, kòo náké ti Yiè nKuyie nke dò: N Yiè nKuyie n cààrèmu mediè n kàammè benitibè. M bantèmu n cààrèmè, n dòò tiyèintì nti, á n c̄́é. <sup>11</sup> Ò yí mèmme kénhenniní dikũnweñni ke s̄́́ ti Yiè nKuyie mbéinnè ku pããnaantì náãntò Kadi wèè do ò bonè ke tú: <sup>12</sup> Kòte kénáké Dafiti ke dò: N tú nh ò duó ntiyèiti títããti ndi, ke tú wèè tããté ò dó kù kè n kù nhò poté. <sup>13</sup> Kè Kadii kòte káyà Dafiti kòò náké Kuyie nhò náké ti ke dò: Kàa dó dikònni bo tannímè a èi ke dò yèbie nyèyiekè á tããté. Kàa me ndó a dootitòbè bo nda betimè betããbè bètããti mièke, á tããté. Kàa me ndó mukũũ mbo tannímè mme kè benitibè nkò nke dò yewe yètããti, á tããté. Totí a yèmmè ké n náké n dò nkénáké ti wèè n tōnní.

<sup>14</sup> Kè Dafitii náké Kadi ke dò: N yèmmè meè cààrè mediè. Kè ti do ti Yiè nKuyie nnùtè mièke dè tōũmu, ke yé kù sémmè deumè. M báá do n nititòu nou mièke.

<sup>15</sup> Mèmme kè ti Yiè nKuyie nduònní muməmmú mùù kòù Isidayeeribe cuokè. De kó dikũnweñni kétuòkenè kù dóú ndii mònñi Isidayeeribe tenkè kemou mièke kè benitibèe kú sikòupírísìyiekè

(70000) de yiè. <sup>16</sup> Kuyie ntõnni yòute dìi mònni di nàùtè Sedisadɛmmu ñnkè ke bo bè poté kuyɛ̃ku, kè ti Yiè nKuyie n náké ku tõnni ke dò: Dè sànnɛmu mɛmmɛ, a tɛ́nke báá poté.

Ke sɔ̀ ndi berínè Sebusiibe kou mǎu bè tu wè Adafunaa o kó kuyié borè. <sup>17</sup> Kè Dafitii yà ti Yiè nKuyie ntõnni kàùmè kékuónnè Kuyie nke dò: N cààrɛmu. Mũ yeté! Benitibè biɛ nyí cààrè mùmamù, mí nnè n cɛ̀tè tũ dò nha ti poté.

*Dafiti maámè diwũõtõnni Kuyie nkpeí  
(Wénté 1 Bɛkpààtibè tõmmú 21:18-26)*

<sup>18</sup> De kó diyie dimáà miɛke kè Kadii kɔte kɛyà Dafiti kóò náké ke dò: Deke Adafunaa yié borè kémaá diwũõtõnni ti Yiè nKuyie.

<sup>19</sup> Kè Dafiti kɔte kéndõnnè ti Yiè nKuyie nti nákéme ku pããnaantì náantò Kati kòò ò náké. <sup>20</sup> Kè Adafunaa sɛ́nnéní kɛyà okpààti Dafiti kòo kèroo, kòo cokéní kénínkú késɛ́nnóo o ìkè. <sup>21</sup> Kóò beke ke dò: Okpààti dè dõmmè kàa kòriní m borè? Kè Dafiti dò: N dó a n fíténè a yié nku kè m maá ti Yiè nKuyie ndiwũõtõnni kè dèɛ yie nkè kù poté kùu yɛ̃ku Isidayɛribe kè kùu deè. <sup>22</sup> Kè Adafunaa dò: Okpààti túóté a dó dèè kó dimàà kɛpã Kuyie. Nte inààke, túóté i kɛféúté, túóté tenaasantè kó ideí kétuannè. <sup>23</sup> Okpààti, n da pãmu demou, ke tú a Yiè nKuyie ncɔuté a pãnni, ké da dɔ̀d mɛsàà.

<sup>24</sup> Kòo kpààti Dafitii ò tɛ́nné ke dò: Yóu kè n dè donté ke da yietí, n yí dó kɛpã n Yiè nKuyie ndèmarè n yí fɛ̀úté dèè kpéí.

Mɛ̀mmɛ kè Dafitii donté kuyié nè inààke mɛdítibii nsipísìnùmmù, <sup>25</sup> kémaá diwũõtõnni dɛborè kɛfíí ti Yiè nKuyie nyiwũõ kétuɔ kɛfíénè metaummè kpɛyi.

De m̀̀nni k̀̀ ti Yiè nKuyie mb̀̀ wènté f̀̀ǹ̀nsà̀̀f̀̀, k̀̀  
kuyĩku k̀̀ do b̀̀ poté k̀̀u deè.

**Bibiri Kuyie Nnààntì Pátírì**  
**The Holy Bible in the Ditammari language of Benin**

copyright © 2001 SIM International

Language: Ditammari

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-05-31

---

PDF generated using Haiola and XeLaTeX on 11 Nov 2022 from source files dated 1 Jun 2022

5e2d0f12-f1d8-567b-bf98-cf1de4599d16